

WANTOK

Em fait olgeta
Em tuna bilong PNG stret
DIANA



RASDI!!
PNG MADE

Niuspepa bilong yumi ol PNG stret!

Wan Wik,

Nov 11 - 17, 2004 NAMBA 1582

K1 tasol

OL PIKININI NA OL SUMATINI!
MAKABING KOMPETISAN
Bai stat long 18th Novemba 2004!!
Dispepa Kompositon bai go pas taim
INTERNATIONAL CHILDREN'S DAY 2004
Mipela ol prais long winim!!

**PES 3
PALAMEN
RIPOT**

**4 - PES CATHOLIC
REPORTER BILONG MUN
NOVEMBA I STAP INSAIT**

Paia lait long Palamen

Neville Choi i raitim

BIKMAUS na kros i bin paia lait gen long aste moning taim Palamen i bin sindaun long namba tu taim long dispela wik.

Nesenel Palamen Spika Jeffrey Nape i stap namel long ol dispela kros pasin bihain long em i bin tokim Palamen olsem em bai i no inap luksave long memba bilong Makam, Andrew Baing olsem lida bilong Pipels Progres Pati na tu olsem Deputi Oposisen Lida.

Mista Nape i bin statim sindaun bilong Palamen long Trinde wantaim wanpela tok klia long sindaun bilong Pipels Progres Pati long Palamen.

Em i tok klia long stat bilong bruk namel long ol memba bilong PPP

inap taim ol i bin makim Andrew Baing olsem nupela pati lida na bihain taim ol i makim Paul Tiensten olsem lida bilong pati.

Spika Nape i tok Palamen bai i mas luksave long Paul Tiensten olsem lida bilong PPP bilong wanem em i bin kisim toksave na bihain em i givim luksave long Mista Tiensten long Palamen.

Mista Nape i tok olsem dispela hevi nau i stap wantaim PPP na tok klia i kam long Rejistra bilong Politikel Pati na Kandidet Paul Bengo i no ron stret i go long opis bilong Spika bilong Nesenel Palamen, olsem na em bai luksave long Mista Tiensten olsem pati lida bilong PPP.

Em i tokim olgeta memba bilong PPP insait long Palamen olsem



EM NAU... Makoma i kam pinis long PNG na ol bai stat pilai long nau nait long Pot Mosbi, bihain bai ol i go pilai long Lae long Fraide na Sarere, na Sande bai ol i kam bek gen long Mosbi long pilai. Ating olgeta manmeri insait long kantri i save long dispela grup na musik bilong ol. Nau bai ol i ken lukim ol i pilai laip. Sapos yu no baim tiket bilong yu yet, baim kwiktaim na amamas wantaim Makoma!

Photo: Joe Ivahuna

dispela hevi em i hevi bilong pati yet long stretim, na ol i noken karim dispela hevi i go insait long Palamen.

Long bihainim luksave bilong em, Mista Nape i tokim Mista Baing olsem em bai no inap luksave long em taim em i sindaun yet long sait bilong oposisen.

"Sia bai luksave long Paul Tiensten olsem lida bilong PPP. Nau olgeta memba bilong PPP i mas bung na stretim lidasip bilong

ol. Dispela bung i mas stap wantaim Rejistra bilong Politikel Pati na Kandidet na Klak bilong Palamen. Mi no inap luksave long Andrew Baing olsem memba bilong Oposisen na Deputi lida bilong Oposisen," Spika Nape i tok.

Em i tokim ol long lukluk gut na bihainim mama lo bilong PPP, na tok klia tu olsem sia i no klia gut yet long lidasip bilong pati inap ol i stretim ol yet.

Long wankain taim, Mista Nape i singaut long Paim Minista Sir Michael Somare long rausim Rejistra Paul Bengo bilong wanem tok stia em i givim long dispela samting i go aut pas long nius na paulim wok bilong Palamen.

***Lukim moa stori bilong palamen long PES 3.**

PLET BILONG KAIKAI
3kg, 5kg na 10kg

PLET BILONG WARA
6Litre,
10Litre na
15Litre

Mipela igat kaikai bilong kakaruk; Starter, Grower na Finisher istap long 40kg, 20kg, 10kg na iklilik 4kg paket.

Sapelim wok didiman long PNG.

Brian Bell
Shop with a friend

BOROKO 325 5411 LAE 472 3377 HCC, LAE 472 3200 ERIKU 472 1433 GOROKA 732 1622 MT HAGEN 542 1999 KOKOPO 922 9022 MADANG 852 1899 HCC, GORDONS 325 8489

Polis Ripot

ENGA:

Polis long Enga provins i tokaut olsem ol i kisim pinis komplek ripot bilong Gavana bilong Enga provins, Peter Ipatas, long paitim narapela olpela memba na kendidet bilong Wabeg Open sit Daniel Kapi long las wik.

Mista Kapi i bin komplek long Enga polis olsem Mista Ipatas i paitim em las wik taim em i bihainim em long kar na i kam long haus bilong narapela bisnisman na paitim em.

Tasol Mista Ipatas i tok em i no paitim long we Mista Kapi i mekim ripot tasol long pasin bilong tok kros.

Enga polis i tok dispela ripot em ol i lusim i go long han bilong wanpela spesel polis fos bilong Mosbi we i stap nau long Enga provins.

HAGEN:

Ol bikman bilong Westen Hailans provins i amamas long gutpela wok bilong polis long karimaut wokabaut patrol insait long Hagen siti. Ol bikman i bilip dispela patrol i gutpela long daunim na stapim ol bikhet pasin na trabel we i save kamap long siti olgeta taim. Dispela operesen em plen bilong nupela Hailans Rijinol Polis Komanda, Jeffery Vaki, long stretim na daunim hevi bilong lo na oda insait long Hagen na Hailans rijon.

MOSBI:

Polis long Mosbi i holim tripela man we tupela em ol liklik manki long kisim sampela askim na save long ol. Dispela i bihainim dai bilong wanpela yangpela man long Fraide we sampela lain nogut i laik pulim rais em i baim long stua na karim i go long haus. Tasol em i strong na ol man nogut ya i sutim em long naip na em i dai taim em i go kamap long haus sik.

Bos bilong polis long Mosbi i tokaut long dispela olsem i no gat gutpela as tru long kilim man ya i dai long dispela plastik rais.

Wetim ol mak yet

Maisan Pahun i raitim

PLANTI Papua Niugini sumatin bilong narapela provins husat i skul long Yunivesiti ov Papua Niugini (UPNG) i stap yet long Pot Mosbi bihain long ol i no kisim tes mak bilong ol long dispela yia.

Planti bilong ol dispela sumatin i wokim namba wan, namba tu na namba tri yia stadi bilong ol long UPNG. Ol i stap bek bikos ol i mas save pastaim long mak o risal bilong tes bilong ol we bai i soim olsem ol bai kam bek skul long neks yia o nogat.

Wanpela akaunting sumatin husat i

...Ol yunivesiti sumatin i tait long wet

mekim namba tri yia long UPNG i tok em i wet long lukim ol tes mak bilong em na i les pinis long stap long Mosbi "Mi wet nau na em faivpela wik pinis na wanem taim bai skul i putim mak bilong mipela kam ausait." Dispela em i toktok bilong Lillian Amor wanpela meri sumatin husat i bilong Kainantu, Isten Hailans Provins.

Nau yet ol sumatin i ken save long level bilong mak bilong ol tasol mesa eksam pepa mak bilong ol i no kam aut yet.

Dispela mesa gred bai i soim klia olgeta mak na soim olsem ol studen i pas o feil long dispela yia 2004.

Olgeta mesa gred nau i stap wantaim Vais Sansela (VC) bilong UPNG Professor Leslie Eastcott. Tasol VC ino sainim yet ol dispela mak yet.

Wanpela tisa o leksera bilong Yunivesiti Leo Wafiwa i tok moa olsem ol arapela gred i kam aut pinis tasol ol mesa gred i stap yet wantaim VC. "VC bai mas luksave long ol dispela fainal eksam maks bipo mipela putim aut fainal mak bilong ol sumatin." Mista Wafiwa i leksera bilong jenalisim insait long UPNG.



Kala

...Tupela susa bilong Hailans i bilas tumbuna na putim sampela kala we i mekim nait bilong makim 2004 Miss PNG long las wik i kamap nais moa.

Foto: POU TOIVITA

Taim sot long ol Passam gret 12

Desney Koimo i raitim

OL GRET 12 sumatin bilong Passam Nesenel Hai Skul long Is Sepik provins i no bin sindaun long dispela bikpela tes o Nesenel Eksam bilong ol we i kamap las wik na pinis.

Tasol Edukesen Dipatman i painim pinis rot bilong oraitim dispela hevi.

Dispela i bin kamap long wanem Dipatman bilong Edukesen i bin rausim ol long skul bihain long sampela bikhet pasin i bin kamap we i lukim ol gred 11 tasol i stap na skul.

Long wik 5 bilong tem tu long dispela yia 2004 bihainim toksave i kam long Dipatman bilong Edukesen i bin tokim ol sumatin long lusim skul.

Dispela i lukim ol sumatin i fusim skul na i go stap nating long haus. Tasol bipo long

ol i go, skul i bin givim ol wanpela pas.

Dispela pas i kam long Seketeri bilong Edukesen long toksave long ol long wanem samting bilong mekim long neks yia sapos ol i laik pinisim skul bilong ol.

Misis Veray husat i wanpela longtaim Maths tisa long Passam Nesenel Hai Skul i tok skul bai lukluk long kisim ol sumatin insait long Momase rijon.

Ol bai i fukluk tu long kisim ol sumatin bilong ol narapela rijon husat i bin lusim skul tu long dispela taim.

"Dispela ol sumatin i ken kam bek na pinisim skul bilong ol tasol skul i givim sans long ol dispela gred 12 sumatin long makim wanem skul ol i laik go long en", em i tok.

Bikos Edukesen Dipatman i bin pusim ol sumatin long lusim skul ol arapela sekendari na nesenel hai skul insait long

kantri bai i op long kisim ol dispela sumatin.

Supritenden bilong Sekendari Edukesen na Open Lening i tok pas ol sumatin i kisim i toksave long ol long raitim wanpela pas i go long opis bilong em.

"Taim mi kisim dispela ol pas bai mi lukluk tu long rekod bilong sumatin insait long skul na skelim tingting sapos em i ken i go long narapela skul", em i tok.

Opis bilong Supritenden i kisim pinis sampela pas bilong ol dispela sumatin na bai i salim pas i go long ol long toksavel long disisen bilong em.

I gat wanpela wik i stap yet long ol sumatin husat i no bin raitim pas long hariap na raitim wanpela sapos ol i laik i go long ol arapela skul na pinisim gret 12 edukesen bilong ol.



"Ol i beten na tenkyu long God i bin helpim ol."

Yumi mas tenkyu long Bikpela. Em i bin mekim gutpela pasin long yumi. Oltaim oltaim em i save laikim yumi tumas, Yumi ol Israel i mas tok olsem, "Em i save laikim yumi tru oltaim oltaim." Olgeta manmeri i save pret long Bikpela, ol i mas tok olsem, "Em i save laikim yumi tru oltaim oltaim." Mi gat bikpela hevi na mi prea long Bikpela, na em i harim mi na i pinisim dispela hevi. Bikpela i stap wantaim mi na mi i no inap pret. Ol man i no inap mekim wanpela samting long mi. Bikpela yet i save helpim mi. Olsem na bai mi lukim Bikpela i daunim ol birua na bagarapim ol. I gutpela sapos yumi bilip long Bikpela, na yumi no bilip long ol man.

Buk Song 118: 1 - 8



Palamen Ripot

Nape rausim Neville

OPOSISEN i bikmaus long spika, gavman i bikmaus long oposisen, na tupela memba bilong palamen i kisim mekimsave na tok lukaut long bikhet long sia bilong Spika bilong Nesenel Palamen long Trinde.

Nesenel Palamen Spika Jeffrey Nape na ol oda em i givim long ol memba nau i stap long as bilong belhat bilong Oposisen.

Luksave bilong sia long ol memba bilong Pipels Progres Pati (PPP), Pangu Pati (PANGU) na Unaitet Risos Pati (URP) nau i kamap wanpela bikpela samting bilong gavman bilong wanem laim i kamap klostu long gavman i karim baset bilong 2005 i kam long palamen long kisim sapot bilong en.

Long stat bilong dispela sindaun bilong Palamen, Spika Nape i bin tok klia olsem ol memba i mas klia gut long ol rot bilong vot long baset na vot bilong vot i nogat bilip.

Dispela ol tok klia i wok long kirapim bikpela kros long sait bilong ol memba bilong oposisen husat i tok olsem Mista Nape i nogat strong o pawa long givim ol dispela kain luksave long ol.

Dispela kros i go bikpela tru aste moning taim Mista Nape i rausim Gavana bilong

Milen Be, Tim Neville long sindaun long Palamen long dispela mun.

Ol samting i kamap insait long palamen i bin kamap olsem:

10 minit lusim 11 kilok - Spika Nape i askim Mista Neville long sindaun bek long sia bilong em long oposisen. Mista Neville i no harim tok bilong Spika.

Mista Nape i askim Sergeant At Arms long go kisim Mista Neville i go bek sindaun long sia tru tru bilong em. Mista Neville i no harim tok yet.

Spika i askim Sergeant At Arms long namba tu taim long kisim Mista Neville i go bek long sia bilong em. Em i no harim yet.

Mista Nape i toksave long Mista Neville olsem em i stap long saspensen na i no inap sindaun long palamen inap long pinis bilong Novemba sindaun bilong em.

15 minit lusim 11 kilok - Mista Neville i sindaun yet, Mista Nape i tokim em olsem Palamen bai i kisim malolo inap Mista Neville i kisim bek tru tru sia bilong em long oposisen sait. Mista Neville i sindaun yet na Mista Nape

i lusim semba na go aut.

17 minit lusim 11 kilok - Bihain long Spika i lusim semba, Memba bilong Manus, Charlie Benjamin i go sindaun long sia bilong Spika. Ol memba bilong oposisen i singaut na bikmaus long spika, na ol i paitim han long Mista Benjamin.

Ol wokman bilong Palamen i rausim Mista Benjamin long sia bilong spika.

24 minit lusim 11 kilok - Wanpela wok man bilong palamen i go givim wanpela pas i go long Mista Neville. Bihain long en, Mista Neville i lusim semba wantaim Andrew Baing.

20 minit i go painim 12 kilok - Spika Nape i kam bek long kisim sia bilong em.

Em i tokim Mista Benjamin olsem em i bin abrus taim em i sindaun long sia bilong spika na askim em long tok sori long sia bilong spika na ol arapela memba.

Mista Benjamin i no tok sori long Sia bilong Spika, tasol em i tok sori long ol arapela memba. Mista Nape i tokim em, "Yu no inap long tok sori long Jeffrey Nape, tasol yu mas tok sori long Sia bilong Spika."



SAPOS paia i kirap insait long haus bilong yu, bai yu save kwiktair na kilim. Tasol ol stail manki bilong kilim paia yet i kirap nogut taim paia i klostu pinisim opis bilong ol.

Wanpela wantok bilong Tokwin i bin sanap long Boroko polis stesen na i tok ol manki bilong kilim paia i bin kirap nogut tru olsem i gat paia long ples bilong ol.

WANPELA susa bilong wanpela niuspepa i bin go pas long autim toktok long niuspepa bilong em long Morobe So. Tasol em i asua na i wok long tok inglis i stap. Sampela manmeri i no klia tumas long tok inglis i paul olgeta. Na taim ol i singaut na askim em long tromoi long tok pisin liklik, susa ya i no wanbel. Em i kirap na tokim ol, niuspepa ya i stap long tok inglis olsem na mi tok inglis. Sapos yupela i no inap harim, wari bilong yupela. Olsem na mipela i tok...nim Wantok Niuspepa - bilong wanem? Bilong wanem em i Niuspepa bilong yumi ol PNG stret!

Taim palamen i pinis, ol nius ripota i sindaun ken na wanpela i askim, "Husat nau i win?" Narapela wan wok bilong em i paul na bekim, "Wollom. Wollom i win". Narapela i kirap na tokim em, "Sori tru brata, mi askim long Melbourne Kap ya. I no Mosbi Not Is Bai ileksen."

Morobe painim hat long statim nupela praimer skul

Christina Tony i raitim

OL KODINETA bilong edukesen long Morobe Provins i panim hat long statim nupela praimer skul aninit long rifom bilong edukesen.

Memba bilong Kabwum Bob Dadae i mekim dispela toktok long Palamen aste.

Em i tok olsem as bilong dispela em bikos ol i no gat gutpela save long nupela elementri sistem.

Em i laik save tu sapos palamen i luksave long dispela sistem.

"Mi laik save sapos dispela elementri sistem i stap yet o nogat. Bilong wanem Gavman bin tok olsem ol i no redi yet long dispela sistem."


Bipo long bekim ol toktok bilong em, Edukesen Minista Micheal Laimo i tok tenkyu long Mista Dadae long stronim edukesen long ples bilong em.

Mista Laimo i tok olsem elementri sistem i ron yet. "Mipela i bin slowim daun dispela sistem long taim kantri i bin gat hevi long sait bilong ikonomi. Tasol elementri sistem i ron yet."

Em i tok moa olsem ron bilong dispela elementri sistem i stap long han bilong ol Provinsel na Lokel Level Gavman.

"Sapos yu laik go het na opim nupela primeri skul, go lukim Gavana bilong yu (Luther Wenge) na bai em helpim yu. Edukesen em wanpela bilong ol nambawan wok bilong em," Mista Laimo i tok.

Wok Bung Wantaim



Praim Minista Sir Michael Somare (lephan) na Memba bilong Maprik, Gabriel Kapris, i soim gutpela wok bung wantaim long strongim provins na kantri bilong ol.

Ol pati redi long skelim baset

OPIS bilong Spika bilong Palamen Jeffery Nape i kisim pinis pepa bilong tripela politikel pati long makim disisen bilong ol long votim o egensim 2005 nesenel baset long dispela mun.

Dispela pepa bilong tripela pati i soim tingting na laik ol pati memba i bungim long ol bai vot long sapotim o agensim dispela bikpela mani plen bilong 2005.

Spika Jeffery Nape i salim toksave i go aut pinis long olgeta politikel pati long raitim disisen bilong ol i kam bai Spika i save long wanem sanap bilong wanwan pati long dispela taim bilong kamapim baset. Dispela em ol i kolim Pati Risolusen.

Opis bilong Spika i tokaut pinis olsem ol i kisim pepa bilong tripela pati tasol. Ol dispela pati em Melanesian Alaiens (MA), Yunaitet Risos Pati (URP) na Nesenel Pati (NP). Ol lida i salim pepa ya em MA Moi Avei, NA Melchior Pep na URP Sam Akotai.

Sief ov Staf Apa Kua long opis bilong Spika i tokim Wantok olsem taim i no sot yet long ol arapela pati long salim risolusen bilong ol i kam. Taim Spika i putim long toksave pepa em 9 Novemba em long Trinde aste. Tasol Mista Kua i tok i nogat lo i stopim ol inap long de bilong baset i kam aut long en.

Long dispela mun bai Palamen i tokaut long 2005 baset bilong kantri na em i wanpela bikpela lo bilong kantri we olgeta memba na pati bai vot long strongim sampela samting na vot long senisim sampela samting long baset. Olsem na sanap bilong ol politikel pati long sapotim o agensim baset em i bikpela samting.

COPY PAPERS
SPECIAL OFFER!

Offers Start
01st Nov, 2004

COPY **REFLEX**

A4 WHITE 80 gsm

*K17⁹³ *K16⁵⁰ *K14⁸⁵ *K13²⁰

*All Prices Includes GST * Reflex Only

THEODIST THE STATIONERY SUPERMARKET

PORT MORESBY (Waigani Drv. Waigani) LAE (Milfordhaven Rd, Lae)

Tel: 325 6500. Fax: 325 0302 Tel: 472 5488. Fax: 472 7838

Email: sales@theodist.com.pg Email: cbaker@global.net.pg

Hap Hap Nius

Maunten Notukou ripita stesen bai op gen

Edministrata bilong Bogenvil, Peter Tsiamalili i tokaut pinis olsem interim provin-sel gavman nau i luk-luk long opim bek Maunten Notukou ripi-ta stesen bai ol i ken strongim komyunike-sen insait long provins. Mista Tsiamalili i bin mekim dispela toksave long Barikua ples long tupela wik i go pinis. Ol pipel bilong Barikua em ol papagraun bilong ples we ripita stesen i sanap. Sapos dispela ripita stesen i wok gen, ol manmeri bai inap toktok long redio na telepon.

I mas gat moa gavman opis long Bogenvil

Nesanel gavman nau i laik lukim moa gavman opis i mas sanap long Bogenvil.

Dispela em i tingting na singaut bilong Minista bilong Inta Gavman Rilesens, Sir Peter Barter, husat i tok olsem ol gavman ejensi olsem Nesanel Kot i mas i opim opis long Bogenvil. Sir Peter i raitim pas i go long ol gavman konstityusen opis pinis na singaut long ol long luksave long dispela askim. Insait long pas bilong em, Sir Peter i singaut long ol bosman bilong ol dispela wan wan ejensi long mekim rot long opim ol opis bilong ol i mas stap insait long baset bilong neks yia.

Nu Ailan rere long sanapim tapiok fektori

NU AILAN Provinsel Gavman nau i redi long sanapim wanpela bikipela fektori bilong milim tapiok long mekim ethanol, wanpela samting ol i save mekim bia na wain long en.

Mani mak bilong dispela bikipela projek bilong Nu Ailan i sanap long \$US 26 milien.

Dispela projek, em Nu Ailan Provinsel Gavman bai mekim wantaim helpim i kam long Chang Hae Ethanol Kampani, namba wan kampani insait long Saut Korea husat i save mekim dispela ges ol i kolim ethanol.

Dispela ges em ol i save kisim long tapiok. Chang Hae i wok bung wantaim Nu Ailan Provinsel Gavman na ol Nesanel Gavman ejensi long kamapim dispela projek.

Dispela kampani bilong Saut Korea i bin stat long 1950 na nau em i save mekim ol strongpela dring na wain bilong Korea.

Nau dispela wanpela kampani tasol i save kaikaim samting olsem hap long olgeta tapiok Saut

Korea i save kisim long ol kantri olsem Vietnam na Thailand.

Deputi Gavana bilong Nu Ailan, Gerson Rabana, i wok long go pas long dispela projek bilong wanem em i bilip olsem dispela projek bai strongim ikonomi bilong provins.

Mista Rabana i tok Nesanel Eksekutiv Kaunsil (NEC) i givim tok orait bilong ol long wok i ken go het long dispela projek bihain long Provinsel Eksekutiv Kaunsil i bin opim rot long dispela projek.

Em i tok wanpela Memorandum ov Agrimen nau ol i stretim i stap pastaim long ol i sainim na statim dispela projek.

Long stat bilong dispela yia, Mista Rabana i bin raun wantaim mausman bilong dispela kampani, John Lim long ol ples long Nu Ailan we PEC i bin makim long sanapim fektori.

"Nu Ailan bai no inap abrus long dispela projek bilong wanem mipela i laik lukim dispela projek i

kamap bilong strongim ikonomi bilong provins na kantri tu," Mista Rabana i tok.

Dispela projek bai namba wan long dispela kain projek long kamap insait long kantri.

Mista Rabana i tok dispela kampani bilong Korea i bin traim sanapim dispela projek long ol arapela hap bilong kantri, tasol kainkain hevi olsem pait long graun i bin bagarapim wok bilong ol.

Em i tok Nu Ailan i gat planti graun i redi na stap long Tome, Kaut na Lokono i stap 30 kilomita samting ausait long Kavieng taun.

Samting olsem 43,500 hekta graun i stap bilong projek na planti long ol arapela hap long ol liklik ples i stap tu.

Mista Rabana i tok planti kantri i wok long painim tapiok bilong wanem ol i ken yusim long mekim ethanol bilong putim i go insait long bensin bilong ol ka.

Olsem na Nu Ailan i noken abrusim dispela sans long mekim mani bilong provins na kantri, em i tok.

Is Nu Briten lusim biknem pater long edukesen

IS NU Briten na PNG long dispela wik i lusim wanpela Katolik pater husat i mekim gutpela na bikipela wok long planti yia tru olsem wanpela misinari na wok edministrasen long sios, provin-sel na nesanel edukesen.

Nem bilong en em Pater Henry ToEsch MSC MBE. Em bin gat 77 krismas na em i kam long kantri Gemeni tasol em i kamap olsem wanpela man bilong PNG stret bihain long em i kamap naturalais sitisen. Em bin dai long las Sande Novemba 7 long Vunapope Haus sik bihain long em bin sik long longpela taim.

Asbisop bilong Rabaul Katolik Asdaiois na Presiden bilong Katolik Bisops Konferens Asbisop Karl Hesse i tokaut long dai bilong Pater Henry.

Leit Pater Henry i bin strongim wok long sait bilong edukesen long sios, provin-sel na nesanel level long 25 krismas insait long 41 yia em i wok olsem pater long Is Nu Briten provins. Em bin wok long ol peris olsem Marunga (Pomio), Volavolo, Papatatava na Vunavavar.

Sampela long ol bikipela wok we Pater i bin holim olsem voluntia long komyuniti long sait bilong edukesen em: Siaman na deputi long Sen

Paul's Tisa trening Kolis Vunakanau longh 1972 inap long 1996, wankain wok long long Malabung Provinsel Hai skul long 1972 inap long 1990, Bod ov Gavanas long Kabaleo Tisas Kolis long 1976 inap long 1996, stap long Bod ov Gavanas bilong skul long Sen Mary's Provinsel Hai Skul Vunapope, George Brown Yunaitet Sios (we em bin Deputi Siaman tu), Katolik Edukesen Seketeri long Is Nu Briten na memba bilong Provinsel Edukesen Bot long 1979 inap long 1996, Siaman bilong Is Nu Briten Edukesen Sevis Bot long 1970 inap long 1990, Deputi siaman bilong Is Nu Briten Edukesen Ekt Draf komiit long 1979, makim sios long Nesanel Edukesen Ekst Drafting Komiti long 1982 inap long 1983, Nesanel Edukesen Bot Altenet memeb long 1983, Altenet memba bilong Komisnin long Haia Edukesen long 1984 na 1990 na memba bilong Is Nu Briten Edukesen Rivyu Komiti bilong glasim Elementeri na Praimeri na Sekonderi Task Fos long 1987 inap long 1996.

Long luksave long gutpela na bikipela wok na kontribusen leit Pater Henry i bin mekim long komyuniti, Is Nu Briten na PNG, Kwin i bin givim em luksave medal -MBE- na i no

long taim, Gavana Jenerel Sir Paulias Matane i bin prisenim long em taim em i sik i stap long haus sik bet.

Asbisop Hesse i bilip olsem ol pipel long Is Nu Briten, komyuniti na kantri bai tingim na luksave long ol kontribusen bilong em.

"Maski Pater Henry i bin sik longpela taim, em bin givim taim bilong em long mekim planti gutpela wok na laikim pasin long planti pipel. Em i bin givim laip bilong em long sevim ol pipel bilong Is Nu Briten na em bin pas long skruim wok inap sik i kisim em nogut tru. Mipela i luksave, tok tenkyu na amamas long en na tu, givim lewa bilong em i go long Bikman," Asbisop Hesse i tok.

Mama i bin karim leit Pater Henry long Munster, Gemeni. Em i bin yangpela manki tasol, bipo em i gat 17 krismas taim em i kamap soldia long Wol Wo na ol bin kalabusim em. Bihain em bin go insait long skul pater na kisim blesing long kamap pater long 1954. Tupela yia bihain long 1956, em bin kam olsem wanpela yangpela pater long PNG na Is Nu Briten. Taim em i karimaut misinari na woki long edukesen, lewa bilong em i bin pas tru long provins



Minista Frank (rait) na misis bilong em Ruth long nupela Baibel Kolis long ples Tanamalo long Haku, Buka. Foto: ALOYSIUS LAUKAI

na kantri na em i kamap naturalais sitisen.

Taim em bin ritaia i stap, planti lain long Is Nu Briten komyuniti i bin save askim em long helpim bilong em long sait bilong edukesen na ol arapela eria we em i gat save long em.

Asbisop Hesse i tok ol bai planim bodi bilong em long Vunapope matmat long Is Nu Briten yet.



Arawa gat nupela maket haus


Aloysius Laukai i raitim

OL PIPEL long Arawa i ken amamas bikos ol i gat nupela pemenen maket we ol i ken sindaun gut na salim ol samting bilong ol nau.

Honibruks Konstraksen kampani i bin wokim nupela maket haus long Seksen 14 Arawa insait long 34 de tasol. Manimak long bildim maket em K360,000.

Wok long sanapim maket haus i bin stat long Oktoba bilong dispela yia na em i pinis insait long 24 de tasol. Ol bin katim mak long maket haus long Lae yet na salim i kam long Arawa long sip.

Ol i wokim maket wantaim ol strongpela ain na kapa na ol pipel long Arawa i amamas tru long Honibruks i sanapim gen naispela Arawa maket we ol bai sindaun gut abrusim san na ren na salim ol maket na gaden kaikai bilong ol. Honibruks i amamas tru tu long helpim ol pipel bilong Arawa na Bogenvil taim em i bildim Arawa maket we i helpim tu wok long kamapim gut Bogenvil gen.



Ol hap bilong sindaun long nupela maket. Foto: ALOYSIUS LAUKAI

Manam kisim bikpela helpim long Saina

Christina Tony i raitim

GAVMAN bilong Pipels Ripablik ov Saina i helpim ol manmeri bilong Manam Ailan wantaim K31,000.

Embesea bilong Saina, Li Zhengjun, i givim dispela mani long Minista bilong Inta Gavman Rilesen na Siaman bilong Disasta Menesmen, Sir Peter Barter, long Novemba 5 long Pot Mosbi.

Bipo long Mista Zhengjun i givim dispela sek, em i tok tenkyu long Sir Peter na ol wokman bilong Nesenel Disasta Senta. "Mi tok tenkyu long yupela long yusim gut mani Red Cross Sosaieti bilong Saina i bin givim long stretim skul bilong Ramu we bikpela wara i bin bagarapim long stat bilong dispela yia.

"Mi gat bilip olsem nau Gavman bilong Papua Niugini bai yusim dispela mani long stretpela we olsem ol i bin mekim long bipo."


Sir Peter i tok olsem ol kirapim pinis wanpela disasta menesmen sistem.

"Tasol i gat bikpela sans long ol wankain hevi long bagarapim PNG bilong wanem i nogat gutpela disasta menesmen sistem na gutpela we bilong gavman long lukluk gut na stretim ol kain hevi."

Sir Peter i tok tenkyu tu long Gavman bilong Saina long luksave bilong ol long taim nogut i bungim PNG. "Gavman bilong PNG i bin amamas tru long dispela luksave bilong yupela wantaim K63, 000 long taim wara i bin bagarapim Saussi Misen long Ramu. Mipela yusim dispela mani long stretim gen ol klasrum na baim ol nupela samting bilong skul. Bai mi salim wanpela ripot i kam long yu long wanem we mipela i bin yusim dispela mani."

Em i tok tu olsem sapos Embesea i laik bai Sir Peter i ken kisim em i go long Saussi na ol pipel yet bai tok tenkyu long em.

"Mipela bai yusim dispela mani long baim moa kaikai bilong ol manmeri long Manam," Sir Peter i tok.



Embesea Zhengjun i givim sek mani mak olsem K31,000 i go long Sir Peter long putim i go long helpim ol manmeri i bungim hevi long maunten paia long Manam. Foto: ANDREW MOLEN

Wokim Wewak kot haus

Desney Koimo i raitim

MEMBA bilong Wosara Gawi, Galus Yumbui, i laikim Jastis Minista Mark Mapakai long tokaut long wanem taim tru bai wok i stat long dispela nupela kot haus we ol bai i wokim antap long Kreer Heights long Wewak, Is Sepik provins.

Em i askim dispela askim long las wik taim palaman i bin bung bikos nau yet Wewak provins i nogat kot haus long wanem dispela olupela kot haus bilong bipo antap long Wewak Hill i bin paia long las yia.

Nau yet olgeta kot bilong ol em ol i save harim long dispela distrik kot

haus long sait bilong Dagua maket.

Mista Yumbui i tok seremoni bilong brukim graun i kamap pinis long hap we kot haus bai i sanap tasol wok i no stat yet.

Em i tok dispela projek em ol i tok bai pinis long neks yia na klostu bai 2004 i pinis na wok i no stat yet.

Mista Mapakai long bekim bilong em i tok dispela projek bilong wokim kot haus em wok i kamap isi isi na givim taim bai dispela kot haus i pinis

Mista Mapakai i tok olsem ol helpim lain i givim mani i kam insait long kirapim wok na mipela noken hariapim ol long mekim wok tasol mekim isi.

Zeming askim Wenge long noken pusim kot

...Tewae Siassi nogat mausman

OLPELA memba bilong Tewae Siassi, Mao Zeming, i askim Gavana bilong Morobe, Luther Wenge, long noken pusim wok bilong kot long hariapim disisen long kot bilong em.

Mista Zeming i bin lusim sia bilong em bihain long kot bilong lida (Lidasip Traibunel) i painim em i asua long ol rekot bilong mani na ol wok bilong ronim opis bilong Tewae Siassi i no bin stret.

Kot i rausim Mista Zeming long dispela sia na sia i stap nating klostu tupela kribmas nau.

Mista Zeming i bin apil long dispela disisen bilong Lidasip Traibunel na i stap nau long Nesenel Kot.

Mista Zeming i mekim dispela toktok

bihain long Gavana Luther Wenge i bin askim Minista bilong Jastis Mark Mapakai long sekim na hariapim dispela disisen bilong olupela memba bilong

"Mi nogat pawa long pusim ol jas long wok bilong ol."

Tewae Siassi.

Tasol Mista Maipaka i tok em i nogat pawa long pusim ol Jas long wok bilong ol.

Mista Zeming i tok Gavana Wenge yet em wanpela Jas bilong kot long bipo na i save gut long ol rot na pasin

bilong bihainim long sistem bilong kot.

Em i ting i gat sampela samting i no stret long dispela kain pasin Gavana Wenge i mekim long traim hariapim kot long disisen bilong em.

Dispela sia bilong Tewae Siassi i stap longpela taim nau na i nogat mausman bilong ol long palamen nau.

"I gat sampela samting i no stret long dispela kain pasin Gavana Wenge i mekim long traim hariapim kot."

Kimson Kare laikim rot long go het

...AusAID i mekim bikpela wok tru

Desney Koimo i raitim

TAIM Gavman na Oposiseh i wok long pait i go i kam long dispela vot i nogat bilip Memba bilong Wewak Open, Kimson Kare, i putim sampela askim i go long Minista bilong Woks, Gabriel Kapris, long wanem as na rot wok i no go het insait long provins bilong em.

Mista Kare i laik save sapos wok bai i kamap long dispela tripela haiwa we i save bringim ol pipel bilong ausait long Wewak taun long kam na baim ol saplai bilong ol liklik binis bilong ol na tu long karim kaikai samting i kam salim long taun.

Dispela tripela haiwe em long Passam i go long Angoram, Turubu i kam long Wewak na bikpela haiwe namel long Aitape na Wewak.

Em i askim Mista Kapris tu long

wanem taim bai wok i kamap long dispela bris insait long Sowom long Hawain.

Mista Kapris long bekim bilong em i tok wok i stat pinis long haiwa bilong Passam i go long Angoram na bai stat klostu taim long arapela tupela haiwe tu.

Em i tok wok bilong wokim bris i stap aninit long Yumi Yet Bris projek na i wetim tasol AusAID long putim mani i go insait long karimaut wok.

Mista Kapris i tok AusAID i mekim bikpela wok tru long helpim Gavman long bringim ol kain sevis i go insait long ol provins.

Mista Kapris i tok em amamas long lukim olsem i gat sampela memba i stap we i save tingim ol ilektoret bilong ol na i no long pilai politikis tasol.

Hap Hap Nius

Pait long Kamkumung buai maket

Tupela man i dai na wanpela i kisim bikpela bagarap long las wik Fraide bihain long bikpela pait i bin kamap long Kamkumung buai maket long Lae. I gat luksave tu olsem arapela manmeri tu i bin kisim bagarap long bodi na i stap long Angau haus sik long kisim marasin. Ol haus sik lain i tok tupela man husat i dai i bilong Simbu provins na narapela man husat i kisim bagarap i bilong Menyamya long Morobe provins. Dispela pait i bin stat taim tupela wantok yet i bin laik pulim ol lain bilong salim buai i go long banis bilong ol na salim buai bilong ol. Narapela wantok i stretim banis bilong em long ol lain i kam maket bikos buai maket i bin pas sampela taim long larim ol atoriti i stretim ples pastaim.

Sir Pita bai apil long kot

OLPELA Memba bilong Maprik, Sir Pita Lus, bai apil long kot bilong em we kot i painim em asua long paitim Minista bilong Woks husat em nau Memba bilong Maprik Gabriel Kapris long dispela yia. Boroko Distrik Kot i bin painim olsem Sir Pita i brukim lo long paitim Mista Kapris long ples Lehina long Maprik yet long dispela yia. Dispela hevi ibin kamap long Morauta Haus long Ogas 31 long Pot Mosbi. Sir Pita i bin memba bilong Maprik inap 38 kribmas olgeta inap Gabriel Kapris i winim em long 2002 nesenele ileksen na kisim dispela sit. Kot i bin painim Sir Pita Lus i asua long brukim lo bilong paitim narapela man. Kot i putim em long 6-pela mun gud bihevia bon (stap ausait na ripot long kot haus olgeta wik inap 6-pela mun). Sir Pita i tokaut olsem em i bin paitim Mista Kapris bikos Mista Kapris i hatim bel bilong em. Na loya bilong em i tokim em olsem pasin em i mekim bikos em i belhat em i bilong banisim em yet long arapela bikpela hevi olsem kilim man o pait we inap kamap long em.



National Catholic Education Secretary

The Catholic Bishops Conference (CBC) is inviting applications for the position of National Catholic Education Secretary.

The NCES is the official body appointed by and responsible to the Catholic Bishops' Conference for developing, promoting and acting upon policy at the national level for the church's work in education.

The NCES is the focal point for ongoing discussions and negotiations with the National Government other national participants in education, eg. the Churches Education Council.

The Secretariat is also the forum for discussion and debate on all significant matters of interest and concern to Catholic education authorities in Papua New Guinea.

The primary function of this position is to provide a focal point for preserving the special character of Catholic education in Papua New Guinea's government education system.

An employment contract will be negotiated with the successful application.

Applications close November 2004.

Further details can be obtained by contacting the Catholic Bishops' Conference (325 9577) or cbc@online.net.pg

Hap Hap Nius

Yawari laikim kolta long Sauten Hailans rot

Gavana bilong Sauten Hailans provins Hami Yawari i singaut long neseneel gavman long lukluk insait na putim kolta long sampela rot projek long provins. Mista Yawari i tok sampela projek em ol i mekim tasol mentenens olsem brukim graun na stretim rot tasol ol i no go insait long putim kolta long rot. Mista Yawari i tok rot long Hagen i go long Tari i mas stap insait long siling program we i sut long putim kolta na i no mentenens o wok stretim tasol. Em i tok Sauten Hailans em wanpela provins we i kamapim bikipela mani bilong dispela kantri na gavman i mas lukluk na stretim gut ol rot projek i stap long hap.

Mal Smith laikim kaikai bilong Yonki pawa

Gavana bilong Isten Hailans provins, Mal Smith Kela, i askim Neseneel Gavman sapos ol pipel bilong Isten Hailans i ken kisim sampela gutpela sevis o helpim long Yonki dem. Yonki dem em bikipela raun wara we i save pulim pawa na saplain pawa long olgeta hap bilong Mowase na Hailans rijon. Mista Smith i tok arapela hailans provins i gat ol maining long gol na oil na ges. Tasol Isten Hailans i gat dispela bikipela bisnis bilong gavman em Yonki dem na wanem kain helpim na sevis bilong go bek long ol pipel bilong provins em ol i laik save. Minista bilong Pablik Entaprais na Komunikesen, Dokta Puka Temu, i tokaut olsem em i tru dispela bikipela projek i stap na em bai amamas long gavana bilong Isten Hailans provins long kam sindaun wantaim em bai ol i ken skelim sampela tingting bilong kamapim sampela samting bilong putim i go bek long provins. Dokta Temu i tok gavman i bin kamapim kopi mil long bipo tasol ol pipel bilong Isten Hailans provins yet i no bin lukautim na ronim gut. Olsem na dispela samting i mas go insait long nupela na gutpela senis gen.

Ol sumatin i mas helpim komyuniti long senis

...Ol Aiyura Neseneel Hai sumatin lusim satan lotu

TOK i go long ol sumatin long go aut na helpim ol narapela insait long komyuniti na tu senisim pasin bilong ol.

Neseneel Edukesen Seketeri, Peter Baki, i bin wokim dispela toktok i go long ol gret 12 sumatin bilong Aiyura Neseneel Hai Skul long greduesen de bilong ol las Fraide.

Samting olsem 275 gret 12 sumatin bilong dispela skul i bin greduet na planti lain i gat insait long em ol papamama, ol poroman, ol hauslain na ol lain we i gat bikipela luksave insait long provinsel na neseneel edukesen level o mak na ol arapela lida long komyuniti na skul i bin lukim dispela bikipela

de bilong ol gret 12.

Mista Baki i bin tokim ol sumatin olsem tru, olsem het tok bilong skul i tok ol i mas mekim gut long ol sabjek eria, we tru tru ol i wokim gut, ol i mas mekim gut tu long sosel sait o pasin.

Em i bin tok pasin nogut i wok long bagarapim Papua Niugini.

Long wankain taim tu, bikipela amamas i bin kamap taim siaman bilong skul bot Potaisa Hombunaka i tokaut olsem ol sumatin bilong Aiyura Neseneel Hai Skul i lusim kalt pasin bilong lotu long Satan. Aiyura olsem ol narapela neseneel hai skul long kantri i bin gat hevi long planti manki i save

stap insait long dispela satan lotu long kalt we i save bagarapim skul bilong planti sumatin.

Taim Siaman Hombunaka i tokaut long dispela nius, bikipela amamas i bin kamap long ol lain i stap long greduesen seremoni na tu ol bikman long edukesen we Mista Baki i wanpela long ol.

Dispela gutpela nius long senis na lusim satan lotuim kalt i bin kamap bihain long wanpela Kristen Kruzet i bin kamap long skul we Pasto Kingal i bin go pas long en.

Long dispela Kruzet, planti sumatin i bin kukim ol samting ol bin save yusim long kalt pasin na ol i tokaut long pablik olsem ol i lusim dispela samting.



Lukim...Ol yut bilong Porgera i stap insait long odinesen lotu bilong wanpela hauslain bilong ol. Foto: FR PHIL GIBBS

Porgera asples wetim disisen bilong kot

PLANTI bikipela projek bilong helpim ol asples na ol pipel bilong Enga na tu Papua Niugini i stap yet. Sampela bikipela projek olsem rot, putim kolta long Tari rot, Wabag i go long Porgera na arapela divelopmen projek we ol pipel bilong Porgera na Enga bai kisim amamas long en.

Wanpela mausman bilong Tuwanda klen long Porgera eria long Enga provins em Kamberan Ambi Kipu i tok ol i wetim kot disisen bilong rivi o glasim gen ol pelpa agrimen bilong Porgera maining kampani, Enga Provinseel Gavman, Neseneel Gavman na papagraun.

Sapos dispela disisen i kamaut na rivi i kamap long agrimen bai ol i stat long toktok long ol bikipela

projek olsem em i kolim pinis.

Mista Ambi Kipu i tok tu olsem ol i gat wanpela memorandum o wanbel bilong kamapim namel long ol asples kampani na bisnis grup yet wantaim ol pipel bilong ples. Na taim dispela wanbel i kamap tu bai ol i ken lukim ol gutpela wok i stap long ples long sevim ol pipel bilong ol.

Dispela kot i bin kamap long Mei 11 aninit long Neseneel Kot Jas Jastis Gibb Salika na mipela i wetim kot disisen i stap nau, Mista Ambi Kipu i tok.

Em i tok sapos kot i glasim pinis dispela pepa bilong ol na oraitim rivi long go het bai em i bikipela samting long amamasim olgeta pipel bilong ples.

Amamas long Wara

...Maski yu stap long Hailans, yu ken amamas long sindaun na pul long wara olsem dispela yangpela manki i soim bikipela amamas tru bilong em.



Kompian Ambum ilektoret wetim yet rot projek

MEMBA bilong Kompian Ambum, Dickson Maki, i askim wanem samting i kamap long mani bilong tupela rot projek long ilektoret bilong em bikos ol pipel i wet longpela taim pinis nau na nogat wok i kamap yet.

Wanpela long ol rot em dispela long Yampu Haus sik i go long Londol Pramerit skul long Ambum Veli na narapela em long Wabag taun i go long

Kompian Stesen. Long Palamen sindaun long dispela wik, Mista Maki i tok gavman i bin tok oraitim tupela rot projek long ilektoret bilong em na mani bilong dispela em i sapos long kam long Esia Developmen Beng (ADB).

Mista Maki i tok ol pipel long ilektoret bilong em i wet yet long projek i mas stat na ol askim wanem taim tru bai mani long dispela i kam.

Manki Isten Hailans winim skolasip long Japan

WANPELA sumatin bilong Isten Hailans provins husat i wokim namba tri yia wantaim stadi bilong em insait long Yunivesiti bilong Papua Niugini i winim wanpela skolasip long igo skul long Ryukyus yunivesiti long Japan.

Hinuvi Onafimo i wokim kompyuta kos long skul bilong Humanities na Sosel Saiens i namba wan man namel long ol meri long winim dispela ken skolasip.

Dispela em i namba wan taim bilong em long go ovasis tasol em i tok em i redi long bungim dispela kain salens.

Ol Hagen lida sapatim Vaki

BIKPELA sapat i go long Hailans Divisenel Polis Komanda, Jeffrey Vaki, long disisen na wok em i mekim long traim daunim ol trabel o pasin bilong bikhet, stil, bagarapim narapela na kilim dai narapela insait long Hagen siti.

Ol lida long Hagen i tok strong long sapatim Mista Vaki husat i go hetim plen nau long putim mobai polis yunit long karimaut ol patrol long lek long san na long nait insait long ol hap we bikipela trabel i save kamap long siti.

Deputi Gavana bilong Westen Hailans, Wai Rapa, i tok lek patrol i kamap aninit long lukaut na stia bilong Mista Vaki em i

gutpela na i soim tu olsem Mista Vaki i gat strongpela tingting long daunim ol hevi insait long siti.

Mista Rapa em i presiden bilong Hagen Lokol Level Gavman na em i tok em na ol kaunsol i sapatim em tru long dispela wok na ol bai wok wantaim em na ol arapela polis manmeri long daunim sosel na lo na oda hevi long Hagen.

Em i tok ol manmeri long siti na ol bisnis haus i luksave long wok we Mista Vaki na ol polis i wokim.

Em i tok moa tu olsem pasim ol blak maket long siti em i gutpela bikos dispela i save pulim planti hevi.

RH i gat K8 milien dinau long Galp - Haiveta

Christina Tony i raitim

MINISTA bilong Trenspot na Sivil Eviesen, Don Polye, i no bin save olsem timba kampani Rumbunan Hijau (RH) i gat K8 milien dinau long Galp provins.

"Nogat man i bin tokim mi long dispela. Em i namba wan taim bilong mi long harim long kain samting olsem," Mista Poyle i tok.

Em i mekim dispela toktok bihain long Gavana bilong Galp provins, Chris Haiveta, i bin tokaut long dispela long palamen las wik.

Mista Haiveta i tok olsem 200 i go inap long 300 hevi masin na ka bilong dispela timba kampani i ron nating-long rot. Ol i no bin gat

laisens na insuren long yia 2 00 i kam inap nau.

Ol lain bilong RH tok olsem ol no peim ol dispela fi bilong wanem ol yet i wokim ol dispela rot. Ol i putim tu wanpela submisen i go long Gavman.

Dispela submisen i askim Gavman long givim ol tok orait bai ol i no inap peim ol dispela fi.

Tasol Ekting Provinsel Edministreta bilong Galp provins, Misi Larelake, i tok olsem ol mas peim yet ol dispela fi.

"Gavman i no givim ol tok orait yet, olsem na ol mas peim yet ol dispela fi," Mista Larelake.

Planti papagraun grup tu i gat bel hevi wantaim wok bilong RH long sait bilong diwai.

Painim Pis

...Wanpela meri Daru i holim pasim pis long umben bihain long em i hukim. Wara i bosim sindaun bilong planti ol manmeri long Daru, long Westen provins bilong Papua Niugini, olsem tasol ol n a r a p e l a provins long PNG we i stap klostu long wara. Kaikai na abus, wara bilong dring, wasim klos, o waswas em long wara tasol.

Poto: PNGBD.COM



Hap Hap Nius

PNG Sastenebol Developmen givim helpim

PNG Sastenebol Developman Limited i givim helpim long mak bilong K250, 000 i go long Australian Dokta Intanesenel bilong wokim ol tau-nam o moskito net insait long Westen provins. Dispela em i namba tu taim kampani ya i givim sapot aninit long Komyuniti S a s t e n e b o l Developmen program bilong ol we ol i bin opim long Septemba long dispela yia. Namba wan helpim em ol i bin givim long Runginae Rurel Haus Sik long Westen provins long baim na stretim samting bilong haus sik.

Kanu festival i bin ron gut

I bin i gat bikpela amamas long Alotau, Milen Be provins, taim namba wan kanu festival i bin kamap long hap las wiken. Moa long 3000 pipel i bin i stap long Alotau long stap insait o lukim dispela festival. 58 kanu olgeta i bin i stap insait long dispela festival. Ol i bin i kam long ol longwe ples olsem Mailu, Misima, na ol narapela ailan klostu long ol. Siaman bilong festival, John Kaniku, i tok dispela festival i bin ron gut tru na ol lain husat i bin stap insait long festival na ol dispela husat i bin i kam long lukim i bin amamas tru long ol kain stail na kala we i bin kamap.

Ol Santu Ann Sariti Sista amamasim 200 anivesari

Veronica Hatutasi i raitim

WANPELA kongrigesen bilong ol Katolik Sista i helpim ol yut long Gerehu, Pot Mosbi, i bin holim bikpela selebresen long amamasim 200 bon de bilong Oda o kongrigesen bilong ol las Sarere, Novemba 6.

Selebresen i bin kamap long St (Santu) Charles Lwanga Katolik Sios long Gerehu long amamasim 200 yia Kongrigesen bilong Sisters of Charity of St Anne (Sistas bilong Sariti bilong St Anne) i wok long wol.

Pater John Bonal Cortada na Sista (nau Blessed) Maria Rafols Bruna i bin statim dispela kongrigesen long Zaragoza, Spein, long 1804 bihain long ol i lukim olsem long dispela taim, i bin gat bikpela nid long helpim ol siklain.

Long wankain taim tu, ol bin kirapim bikpela Institut ol i kolim long "Royal General Hospital of Our lady of Grace" we long tokples Latin ol i bin kolim long "Urbis Et Orbis". As bilong dispela tok em olsem Haus sik bilong Siti long Wol. Long dispela taim, em bin namba wan bikpela haus sik long Yurop.

...Helpim ol Stej 6 Gerehu Yut

Kongrigesen nau i stap long 33 kantri na 5-pela kontinen. PNG i wanpela bilong ol.

Wantok Niuspepa i bin kisim ol toktok long Sista Alice na Sista Clara taim Katolik Redio Netwok i bin singautim ol long toktok long program, "The Lord's Vineyard" las Sande bihain tasol long bikpela selebresen bilong ol.

Asbisop Sir Brian Barnes bilong Pot Mosbi Katolik Asdaiosis i bin go pas long lotu bilong selebretim dispela bikpela de. Planti ol arapela rilijes komyuniti insait long ol peris long siti na ol Katolik pipel, wantok na pren i bin stap insait long dispela selebresen.

Kongrigesen i gat het tok "A Universal Charity" na i helpim na wok wantaim ol lain i gat nid long ol yut i go long ol bikpela manmeri, ol lapun, ol kalabus lain, ol trangu i sot long samting, ol mental lain o lain we tingting bilong ol i no stret, HIV/AIDS lain na moa olsem. Antap long tripela tok promis bilong Sastiti (o no marit), Poveti na Obidiens taim ol i kamap Sister long dispela kongrigesen, ol i save mekim tu spesel tok promis bilong

"Hospitality". Long dispela, ol Sista i mekim promis long karimaut sevis bilong helpim ol lain i gat nid, maski laip bilong ol i stap long hevi.

Dispela kongrigesen i wok long PNG long 14 krismas nau. Ol bin kam pastaim long Kerema Daiosis long 1992 we ol bin wok wantaim ol meri. Ol i stap na wok nau long Pot Mosbi Asdaiosis na karimaut ol pastorel wok long Gerehu peris.

Ol i stap tu long Kundiawa insait long Kerowagi Peris.

Tripela Sista tasol bilong Kerella long Bombei, India i wok long Gerehu Peris tasol ol i mekim bikpela wok long helpim ol yut long Gerehu na ol neiba long ol rot o strit.

Insait long las 4-pela yia ol i wok wantaim ol strit yut, bikpela na gutpela senis i kamap na stori bilong dispela bai kamap long Wantok Niuspepa neks wik we Sista Alice na Sista Clara i stori long em.

Tupela Sista i tok ol i amamas olsem ol i mekim liklik wok bilong ol long traim helpim komyuniti na helpim kamapim sampela liklik senis long ol yut i ken kamap ol gutpela manmeri long siti na komyuniti.

Trust a Genuine Brand



YAMAHA

PORTABLE GENERATOR

ADVANTAGE

- ✓ HIGH POWER OUTPUT
- ✓ LOW NOISE LEVEL
- ✓ RELIABLE & DURABILITY
- ✓ PARTS & SERVICE BACKUP
- ✓ BUILT WITH YAMAHA JAPAN ADVANCE TECHNOLOGY

Ela Motors

WAS K1,665.00

NOW

K999

INCLUDES GST

AVAILABLE NATIONWIDE

OFFER EXPIRES : 30.11.2004.



FOR MORE INFORMATION CONTACT : JAMES MOVEH - PH 3229400 FAX 3217268 · PORT MORESBY · Email : jmoveh@elamotors.com.pg

Yanpela meri i wokim nem bilong PNG



Mis Maruai.

PLANTI taim yumi save ting olsem ol lain bilong pilai spot tasol i ken wokim nem long wol. Taim i kam long developmen yumi no save luksave long hat wok bilong ol pipel bilong yumi. Olgeta taim ol pipel i harim, ritim na lukim long nius. Ol korapsen nius na ol pasin nogut, we i save bagarapim gutpela ol lain husat i wok hat long developim kantri bilong yumi. I no long taim tasol, Yunaitet Nesen (UN) i luksave long wok bilong yangpela meri lsten Hailans, Bessie Naomi Maruai, long amamasim em long wok bilong en long daunim sik HIV AIDS long kantri.

Bessie i wok olsem kaunseling trening supavaisa wantaim Nesenel HIV AIDS Sapot Projek (AusAID) aninit long Nesenel AIDS Kaunsel bilong Papua Niugini.

Mis Maruai i bin tok olsem bikipela driman

bilong en em long ol meri bilong PNG i mas kism ol rait ples bilong ol long sosaiti we ol planti man i wok long holim. Dispela driman i kamap tru bihain long em i winim UN Young Person bilong yia 2004 bilong Esia na Pasifik rijon. Mis Bessie Maruai i kambek pinis long Nu Yok, Amerika, bihain long em i kism ona bilong en wantaim ol faipela ol narapela ol intenesenel ona lis bilong UN developmen progrem bilong daunim poveti. Bikipela het tok bilong dispela awod bilong dispela yia em long Yut - Nupela maus bilong Melenium Developmen Gols.

Dispela awod we UN i bin kamapim long luksave long hat wok bilong ol manmeri husat i save wok hat long daunim poveti na mekim kamap gutpela sindaun bilong ol manmeri insait long sosaiti bilong ol.

Bessie i namba wan Papua Niugini long winim kain bikipela UN awod.

Olsem em yet i save tok sapos yu driman long en bai yu kism. Plis yumi wok bung wantaim long kamapim gutpela sindaun long kantri bilong yumi tude.

Lo bilong Lukautim ol mama na pikinini meri. Save long Raits Hap Namba 8



Ol toktok i kam long Pablik Toksave pepa we Family and Sexual Violence Action Committee i redim.

Sempasin wantaim meri i aninit long 16 krismas SAPOS man i mekim sempasin wantaim meri we krismas bilong em i stap aninit long 16 yias, dispela man i brukim lo. Ol i kolim dispela trabel, "Kanal nolis" (carnal Knowledge). Maski sapos meri i tok orait o em i wanpela pamiuk meir, em rong bilong man na i no rong bilong meri.

Lo i luksave olsem meri we krismas bilong em i stap aninit long 16 krismas i no bikipela yet na tingting bilong em i no klia yet. Bodi bilong em i ekn bagarap sapos em i liklik yet na em i

slip wantaim man. Sapos em i gat bel, bai em i painim hat tru. Olsem na lo i tok ol bikipela manmeri i mas lukautim ol liklik meri, na ol man i no mas slip wantaim ol.

Mekim save long man i wokim sempasin wantaim meri krismas i stap namel-ong 12 na 16 krismas em kalabus long 5-pela yia (Kriminal Kod s 216)

Man bai kism laip kalabus mekimsave sapos em i wokim sempasin long meri krismas i stap aninit long 12 krismas.

Toksave olsem lo i tok orait long man i slip wantaim meri we krismas bilong em i aninit long 16-pela yia sapos tupela i marit.

Moa long neks wik.

Nesenel kirapim spesel projek long sponsaim ol meri sumatin

Veronica Hatutasi i raitim

HAP tok i save stap olsem "Yu Eduketim o Skulim Meri, yu Skulim Nesen" na hevi ol meri sumatin i bungim long peim skul fi i strongim luksave long sampela kampani i putim han wantaim na sponsaim wanwan meri sumatin long 6-pela yunivesiti insait long kantri.

Dispela spesel projek em Nesenel Niuspepa i go pas long en. Em i putim han wantaim Fainens Koporesen Limitet(Finkop), RDTuna Canners na OBE Kwinslen Insurens kampani na ol bai sponsaim 6-pela meri sumatin long baim skul fi bilong ol long neks skul yia, 2005.

Mani mak we ol bai sponsaim wanwan meri em K3,000 long wanpela yia.

Dairekta bilong Jenda na Developmen

...Ol meri lida amamas long luksave na sapot.

Divisen wantaim Komyuniti Developmen, Gayle Misionyaki, taim em i tok amamas long Nesenel Niuspepa long kamapim dispela Strongim ol meri kempein i tok dispela spesel projek bai helpim tru ol meri lida na ol profesenel meri insait long kantri.

Em i tok amamas tru long Nesenel Niuspepa long i no toktok tasol em i kirapim dispela projek, na narapela tupela kampani long putim han wantaim Nesenel Niuspepa long sapotim ol meri .

Em i askim strong ol arapela bisnis haus long sapotim dispela spesel projek we i helpim skul bilong ol meri.

Em i tok long namba wan taim, wanpela

midia kampani i go insait long dispela bikipela komyuniti projek we bai kamapim gutpela kaikai long helpim sampela ol meri sumatin i skul long yunivesiti.

Em i tok sapos moa kampani i sapotim dispela projek, moa meri sumatin i ken kism sponsa helpim.

Aninit long dispela spesel projek, Nesenel Niuspepa bai pablisim o putim kamap entri fom olgeta wik. Na ol meri sumatin i skul long wanpela ol 6-pela yunivesiti i ken i ken katim fom na salim i go long Nesenel Niuspepa opis.

Long mun Janueri, ol bai wokim dro na wan wan wina bilong ol dispela 6-pela yunivesiti bai kism K3,000 edukesen sabsidi sponsa mani.

Ol sumatin meri i wokim namba 2 yia na antap i ken go insait long dispela resis.

Want a Wardrobe, Chest, Bunk Bed or Divan?

PRESIDEN #BR5005
Kwin sais Divan set
Sprin matres wantaim beis
Was Cash K3,199

SEIVIM K1,000

K87
LONG FITMENT
K2,529 **K2,199**
RES PAIK

RITA SH SD #CL0002
5 pela droa bilong kolos.

K16
LONG FITMENT
K355 **K300**
RES PAIK

PRESIDEN #BR3012
Sinkol Divan set
Sprin matres wantaim beis
Bipo Kes K2,199

SEIVIM K900

K54
LONG FITMENT
K1,495 **K1,200**
RES PAIK

TORONTO #BR0002
Beibi bed/kot wantaim liklik matres.

K19
LONG FITMENT
K425 **K300**
RES PAIK

JOSUA #BE3002
Metol bank bed freim
2 pela matres ino kam wantaim bed.
Bipo Kes K755

SEIVIM K260

K23
LONG FITMENT
K575 **K400**
RES PAIK

RITA SH145C #CJ0013
2 pela dua kolos kabot wantaim mira-galas

K19
LONG FITMENT
K449 **K389**
RES PAIK

WIN! BAIM OL SAMTING BIPO LONG 31 DEI BILONG DISEMBA long WINIM OL FANTASTIK "DRIM PRAIS" long COURTS GOL RAS NAMBWA #3 DROI

FEIVARET FENISA NA ELEKTRIKOL SUPASTOA BILONG PAPAUA NIUGINI

COURTS GOROKA Spring Garden Road Gorokas Phone: 302 5908 - Fax: 325 4149	COURTS LAE Makulabaven Road, Lae Phone: 472 4800 - Fax: 472 4621	COURTS GOROKA Fm Lomak, Goroka Phone: 732 2001 - Fax: 732 2000	COURTS MIT HAGEN Hagen Drive, Mit Hagen Phone: 542 1401 - Fax: 542 3517	COURTS MADANG Rochford Road, Madang Phone: 812 3211 - Fax: 812 3812
--	--	--	---	---

HURRY OFFERS MUST END SUNDAY 28TH NOVEMBER

COURTS Adding value EVERY day!

First for Furniture FIRST FOR FURNITURE... FIRST FOR YOU!

The Courts Price The Lowest Price Anywhere!

PNG polis i go long Solomons

Bustin Anzu i raitim i kam long Canberra, Australia

TENPELA polismanmeri husat i lusim kantri long won wantaim ol polis bilong Solomon Ailan, nau i stap pinis long kapitel siti, Honiara.

Dispela ol polismanmeri, aninit long Komyuniti Polising Han bilong polis fos, i bin stap klostu long wanpela mun olgeta long Canberra, Australia.

Ol i bin bung wantaim ol wanwok bilong ol long Australia na mekim tupela wik trening.

Trening i pinis las wik na long dispela wik ol i go long Solomon Ailan.

Ol bai i stap 4-pela mun olgeta long hap na helpim polis long hap aninit long wanpela progrem ol i kolim RAMSI.

Nau yet i gat olsem 11-pela kantri insait long Pasifik rijon

husat i salim ol polismanmeri bilong ol i go long wok long Solomon Ailan.

Australia na Nu Silan i go pas long ol dispela kantri.

Dispela em i namba wan taim Gavman bilong Papua Niugini i salim ol polismanmeri i go aut long narapela kantri long kamapim gutpela sindaun insait long rijon. Dispela i no bin kamap bipo.

Polis i stap ol yet long bareks



Taim polis i stap bilong ol yet long bareks bai i gat hevi na trabel. Planti samting i kamap pinis na i soim olsem polis bareks em i no stretpela hap bilong polising. Taim ol polis i stap bilong ol yet long bareks ol i stap longwe long komyuniti we wok bilong ol em long sevim komyuniti.

Sampela taim ol polis i no save mekim samting stret long bareks we ol i ken mekim wok bilong ol i go hatpela long ol pipel.

Bareks tu i soim olpela stail bilong bipo we i no stret na i no sut stret long pasin bilong Papua Niugini. Ol famili bilong Polis i save bungim hat taim tu long bareks.

Planti meri bilong ol polisman i save tokaut long hevi na hat laip ol i save bungim long stap insait long bareks.

Piksa long antap i soim ol kain hevi we i save kamap long bareks. - *Law Order and Justice*



Stail...Ol meri husat i bin stap insait long 2004 Mis PNG resis i soim kala bilong ol. Mis Warehouse Night Club, Ashwin Samson, husat i gat 19 krismas, husat i sanap fran, i bin winim dispela resis long kamap Mis PNG 2004-2005. Em i bin winim Mis Sariti taitol na planti ol narapela prais long dispela nait.

Poto: POU TOIVITA

Mekim gut long ol lain wantaim sik HIV AIDS

SIAMAN bilong Palamen Komiti long HIV AIDS, Dokta Banare Bun, i tokaut gen long ol sampela samting i pasim pasin bilong abrusim na lukautim husat i gat sik HIV AIDS. Dispela namba 4 Nesenel AIDS Kaunsil kempen bai kamap wantaim helpim bilong Gavman bilong Australia.

Dispela tokaut o kempen i kamap gen bikos i gat sampela wok painim i soim olsem insait long 4-pela rijon bilong PNG, 30 pesen bilong manmeri i les o pret long lukautim manmeri husat i gat sik AIDS.

Dokta Bun i tokaut olsem pasin bilong rausim ol manmeri i gat sik na sutim tok long narapela olsem em i gat sik nogut i ken pasim pasin bilong abrusim dispela sik long kantri bilong yumi.

Long dispela kain pasin bilong pret na rausim ol manmeri husat i gat binatang, em tasol i stopim pasin bilong sekim blut. Olsem na pasin bilong givim dispela sik nogut long narapela i go yet moa.

Dispela tokaut i kamap long Holide Inn na moa long 100 wokmanmeri na sampela gavman opisa, ol nius lain na ol arapela grup na opis husat i save helpim ol manmeri i stap wantaim dispela sik nogut i bin kamap.

Dairekta bilong Nesenel AIDS Kaunsil (NAC), Dokta Ninkama Moiya, tok, pasin bilong pret long kain bikpela sik save stap na tu planti manmeri ol i nogat gutpela save long lukautim ol dispela sik lain manmeri. Kain pasin olsem kaikai na dring wantaim o holim pas i no save kamapim dispela sik AIDS. Planti manmeri mas save long ol dispela

samting nau.

AIDS bai i no inap go insait long bodi nating, em bai yu kisim long taim yu slip wantaim husat i gat dispela sik na tu long yusim ol nil na resa samting bilong katim skin we blut stap yet long en, na tu ol pikinini save kisim long mama bilong ol husat i gat sik nogut long en.

Sampela lain tu long tokaut long dispela sik em ol sios lida bai toktok long redio, ol posta pepa na televisen olsem nau em taim bilong yumi kam aut long displea tudak na tokaut olsem husat i gat sik AIDS yumi mas laikim na lukautim ol olsem ol lain i save kisim arapela sik yumi save long en.

Long dispela tokaut tu bai i gat samplea pilai na ol samting i kamap long wanwan provins olsem long edukesen, mama grup, na ol arapela NGO (non gavman ogenaísesen). Planti bilong dispela kempen i kamap long sapot bilong Nesenel HIV AIDS Sapot Projek aninit long helpim mani we i kam long Gavman bilong Australia.

Kempen long nius i no inap kamapim senis hariap. Ol dispela bai kamap isi isi na long gutpela lida na toktok kamap namel long gavaman leval, sios wokman na meri, helt woka na tisa, Dokta Bun i tok.

Dokta Bun em i tok dispela hevi bai go daunblo tru sapos ol dispela samting mipela i toktok long en i kamap klia na olgeta pipel long PNG isave long en.

Sampela Afrikan kempen bai go het inap long Wol AIDS De long Desemba 4, 2004.

Holi Spirit Seminari tok tenkyu na amamas long tupela pater

Augustine Wamugl i raitim

Las Sande em Festode bilong olgeta Santu na long olgeta hap bilong graun Katolik Sois i selebretim de bilong ol Santu. Na long Holi Spirit Seminari (HSS) Sapel moa long 200 Semiraians, manmeri na pikinini i bung long tok tenkyu Misa bilong Pater.

Michael McEntee na Pater.George. Dispela misa em Asbisop Sir Brian Barnes bilong Pot Mosbi Asdaiosis i bin go pas long selebretim.

Asbisop i tokim ol semiraians na wok manmeri bilong sios olsem man o meri i laik igo pas mas i gat save bilong lidim na lukautim ol arapela, olsem Jisas yet i soim long ol aposel bilong em, olsem tasol Fr Michael na Fr George i wokim wankain pasin ol seminarian hia long Bomana na long ol arapela sevis tupela i givim long sios hia long PNG.

Em i tok moa olsem man o meri i go pas mas nogat pasin bilong

belhat, mas bilong gutpela pasin bilong mari-mari na bel isi mas stap namel long wanwan manmeri.

Ol dispela kain pasin olsem i rot bilong kamap holi.

Misa i kamap gutpela tru wantaim wokbung bilong ol Seminari bilong HSS.

Ol sumatin bilong Bereina daiosis and Asdaiosis bilong Mosbi i bringim Asbisop wantaim tupela Pris long pasin bilong tumbuna bilong ol "Hiri Tred".

Na ol Solomon Ailan i soim stret stail bilong ol long bringim gutnius baibel igo givim Asbisop wantaim sumatin bilong Kundiawa daiosis kisim bret na wain olsem tupela i givim sevis long kaikai na dring bilong Spirit long ol pipel na moa yet long HSS long go aut na autim tok olsem wok Pater long wanwan daiosis bilong ol.

Fr Micheal McEntee stap olsem Rekta bilong HSS inap long 5-pela yia pinis na em bai go bek long Melbon

long kamapim nuplea wok misin long wanpela Paris. Em tu tis long Katolik Tiolojikal Institut long Mosbi.

Em i tokim *Wantok Niuspepa* olsem stap bilong em long Papua Niugini long 5-pela yia i mekim em lainim planti nupela samting olsem kalsa na laipstail bilong pipel na moa yet em tok, em groa bikpela long wok ministri bilong em.

Fr George i kam long Mendi daiosis na stap olsem tupela yia Spiritual Dairekta bilong HSS na Bomana seminaria tu bilong stretim na statim wokabaut bilong ol sumatin long prea laip bilong ol na luksave long singaut bilong ol long kamap wokman bilong bringim gutnius long pipel bilong em.

Bihain long Misa ol sumatin wantaim sampela wokmanmeri bilong sios i tok amamas long sevis bilong tupela long sios wantaim ol presen we i bin mekim tupela pater pilim bikpela amamas tru.

Nius Bilong HIV AIDS

Tok Lukaut



David Cloudiuz

TUDE long Tok Lukaut bai mi toktok long ol yangpela manmeri na pasin bilong slip wantaim. Tude long kantri dispela kain pasin i wok long kamap strong stret insait long ol skul ples, ples na tu long sios tu.

Planti ol pipel i wok long solim tok long Nesenel AIDS Kaunsil long promotim kondom na ol papamama long i no lainim gut ol pikinini bilong ol. Bikpela tok mi laik tokim yupela ol yangpela rita, em olsem kondom i no inap helpim yu, Nesenel AIDS Kaunsil i no nap senisim pasin bilong yu, ol i ken tok tok na lainim yu long nogut bilong HIV/AIDS; yu yet i gat pawa long mekim disisen long laip. Papamama i ken helpim senisim liklik pasin bilong yu tasol yu yet i gat bikpela pawa long senisim olgeta pasin bilong yu.

Sampela ol toktok bilong mi long helpim yu long mekim gutpela disisen long laip. Sapos yu skul sumatin, tingim laip bilong yu long bihain taim na putim skul wok pas na lukautim bodi bilong yu gut. Yu gat wanpela bodi na laip. Sapos yu smat sumatin bai yu tok nogat long slip

wantaim. Sapos yu yangpela wokman meri, yu mas i gat haus, i gat inap mani long beng akaun bilong yu. Yu mas ritim ol buk bilong marit i go long ol marit woksop na lainim long bosim yu yet. Askim ol marit manmeri long tok stia long marit laip we i ken helpim yu long bihain. Sapos yu save manmeri bai yu lainim planti samting long marit laip bihain yu marit. No ken kamap mama papa hariap. Yu gat longpela laip i stap yet. Lainim planti samting long laip bihain yu marit.

Long yumi ol manmeri bilong ples, yu mas save long wokim haus, gaden, painim abus na harim toktok bilong ol het man na meri bilong ples bilong yu. Stap, na toktok wantaim ol hetman na meri long ol hausman na haus meri bai yu lainim planti ol pasin kastam we i ken helpim yu. Yu manmeri tru bai yu harim na bihainim.

Long pinis mi laik tok, pinisim skul gut kamapim driman bilong yu i kamap, no ken kamap papamama hariap, noken kisim HIV/AIDS.

Harim toktok bilong tisa, papamama na ol pasta na bos bilong yu. Sapos yu manmeri bilong lotu, lotu tru tru na maski long giaman nambaut. No ken wokim papamama i wari tumas. Laip na save i stap long han bilong yu.

Yu ken kisim nupela pren tasol yu no nap kisim nupela laip. Yu mas lainim long tok nogat long slip wantaim.

Yu yet nau.

Noken wansait

wantok o famili lain bilong mipela", em i tok.

Mista Jogiaba i mekim stronpela toktok i go long ol inspekta long noken bagarapim wok

Desney Koimo i raitim

OL BIKMAN bilong Edukesen Dipatman laik lukim ol inspekta i mas wokim wok bilong ol wantaim stretpela pasin na givim gut mak long ol tisa husat i mekim gut wok bilong ol insait long ol skul.

Long opisal opening bilong Nesenel Reiting Konfrens insait long Pot Mosbi, ol inspekta bilong ol skul insait long wanwan provins i kamap na bung wantaim ol bikman bilong edukesen long sindaun na skelim ol tisa.

Seketeri bilong Edukesen, Peter Baki, husat i stap tu long opim bilong dispela bung i tok wei bilong makim ol tisa i bikpela samtin tru bikos how ol sumatin i wokim gut skul wok bilong ol i stap long han bilong ol tisa.

Mista Baki i tok bikos mani i sot na dipatman i no bin karimaut inspeksen long planti skul, tasol em i tok dispela ol tisa we ol i makim i liklik hap tasol bilong olgeta tisa insait long wok fos.

Siaman bilong Tisa Sevis Komisnin, Allan Jogiaba, husat i i tok tu olsem ripot nogut i ken bagarapim wok bilong ol gut-



Edukesen Minista, Michael Laimo, (namba 4 long rait) wantaim sampela ol bikman long dipatman na ol sumatin bilong Hisiu Praimeri Skul insait long Sentral provins husat i bin danis na givings long opening Nesenel Retings Konferens long Holiday Inn long Pot Mosbi. Foto: JOE IVAHARIA

pela tisa na ol inspekta i mas makim ol gut.

Mista Jogiaba i tok dispela em i bikpela samting long kalenda bilong edukesen bikos dispela bai tokaut sapos tisa i ken go tis long narapela

mak o nogat.

Em i tok as tingting bilong makim ol tisa i bilong lukim sapos ol i wokim wok bilong ol olsem tisa.

"Mipela i noken givim gutpela mak long ol tisa bikos ol i

bilong ol arapela tisa bikos em i birua bilong ol o ol i no laikim ol.

Tasol ol i mas makim em long gutpela wok tisa em i mekim insait long skul bilong em, em i tok.

Daunim ol drag, alkohol na sik HIV AIDS

Christina Tony i raitim

WANPELA grup bilong ol sumatin i bin yusim ileksen kempen bilong Mosbi Not Is long kempen agensim drag, alkohol na sik HIV AIDS.

Dispela em ol lain sumatin bilong wanpela projek bilong ol Kongrigesen bilong Sekret Hat Bratas aninit long nem "Save Our Children and Youths against Drugs and HIV/AIDS" o "Sevim ol Pikinini na ol Yangpela Manmeri bilong Yumi long Drag na HIV/AIDS". Dispela trening kos i ron inap long 6-pela wik wantaim helpim long sait bilong mani i kam long Nu Silan Gavman.

Wanpela bilong ol sumatin husat i bin kisim dispela kos, Peter Miliken, i tok tenkyu long gavman na ol pipel bilong Nu Silan long tingim ol.

"Tok tenkyu i go tu long ileksen kempen bilong Mosbi Not Is long givim mipela sans long kempen agensim drag, alkohol na AIDS," Mista Miliken i tok long greduesen bilong ol 25 sumatin husat i bin kisim dispela kos long Oktoba 29, long St. Paul's Monestri insait long Pot Mosbi.

Em i tok olsem long

dispela 6-pela wik ol manki bilong skul i save go aut long nait na kempen agensim drag, alkohol na sik HIV AIDS bihain long ol i kisim skul long ol dispela samting long de taim.

Supiria Jenerel bilong Kongrigesen bilong Sekret Hat Bratas, Pater William Liebert i tok olsem as bilong dispela kos em i long givim ol yangpela manmeri save long ol hevi bilong drag, alkohol na sik HIV AIDS.

"Mipela i luksave nau olsem laip em bikpela presen Bikpela i givim long mipela. Olsem na em i wok bilong mipela nau long lukautim laip bilong mipela na bilong ol narapela," Mista Miliken i tok.

Dokta Moiya bin tokaut long niuspepa olsem PNG i bin yusim pinis K60 milien long pait bilong AIDS tasol dispela sik i wok long gro yet, em i tok.

"Long dispela yia narapela K13 milien i go insait long dispela pait tu. Ol man i no luksave olsem as bilong dispela sik nogut em drag na alkohol. Olsem na wankain wok mas go insait long lukluk long ol dispela tripela samting long daunim gro bilong sik AIDS," Mista Miliken i tok.

Esia-Pasifik i mas pait agensim sik HIV AIDS

SIK HIV AIDS insait long Esia-Pasifik bai kamap wankain olsem Afrika sapos ol gavman long dispela riji on was gut.

Deputi Dairekta bilong Yunaitet Nesen (UN), Kathleen Cravero, i tok nau em i taim bilong olgeta riji long kam bung wantaim na karim dispela pait i go aut long wanwan distik, komyniti, riji on na kantri bilong ol.

Dispela pait i mas ron hariap bikos Esia Pasifik i luksave long AIDS bihain tasol na i no bin redi long banisim em yet na nau HIV AIDS i wok long gro i go bikpela.

Long wanpela kibung ol i bin holim long Singapore em i tok

Yunitet Nesen i bilip olsem Esia nau i gat bikpela wok long makim bikos em i dua na i mas was gut long dispela sik long noken i go insait long olgeta provins o riji on bilong en.

Misis Cravero i makim wanpela singaut i go long olgeta lida long ol praivet na gavman ogenaisesen long yusim gut ol risos ol i gat long pait strong agensim HIV AIDS.

"Dispela ol lida i mas sanap na helpim wantaim save ol i gat long karimaut aweanes i go long ol pipel", em i tok. Em i tok long wanpela stadi ol i bin karimaut i soim olsem moa long 7 millien insait long Asia Pasifik riji on i gat HIV AIDS.

Nesenel Reitings Konfrens op

Desney Koimo i raitim

DIPATMEN bilong Edukesen i opim Nesenel Reiting Konfrens bilong dispela yia 2004 long Holiday Inn insait long Pot Mosbi na bai i ron long wanpela wik olgeta.

Dispela reting konfrens i save kamap long wanwan yia na i save lukim dipatman i givim mak long ol tisa long na tu, long ol vokesenel na teknikel instrakta.

Minista bilong Edukesen, Micheal Laimo, husat i stap long opim dispela konfrens i tok edukesen em i namba wan samting long we gavman i lukluk long, long kirapim bek ikonomi bilong kantri.

Em i tok dispela

Nesenel Edukesen Plen bilong narapela 10-pela yia em i rot kantri i mas bihainim long kamapim gutpela sindaun long sait bilong edukesen.

Mista Laimo i tok long dispela 10-pela yia gavman i laik lukim olsem olgeta i mas helpim ol pikinini long i go i kam long skul long 9-pela o 10-pela yia.

"Long 2004 tasol dipatman i lukim klostu wan milien pikinini i go long skul insait long kantri", em i tok.

Dispela nupela plen bai i lukluk long rot bilong helpim ol sumatin husat i pinisim praimer edukesen bilong ol na tu bai i wok strong long redim ples bilong ol sumatin husat bai i go het long wokim gret 9 i go long gret 12.

Mista Laimo i toktok

strong moa yet long ol skul i mas sanap long lek bilong ol yet bikos ol skul i ken helpim long developim kantri.

"Olgeta skul i gat ol hap graun we i save stap nating na ol i ken yusim dispela graun long planim gaden kaikai o lukautim ol animol na wokim liklik mani inap long helpim ron bilong skul", em i tok.

Long dispela bung bilong Nesenel Reiting Konfrens Mista Laimo i tok olsem gavman na ol dona ejensi i sot long mani long kam long helpim bilong ol skul na neks yia long dispela nupela edukesen plen em i laik lukim ol skul i karimaut dispela nupela het tok bilong Edukesen Dipatman 'Prosperity Through Self Reliance'.

WHO bung toktok long sefti

WOL Helt Ogenaisesen (WHO) i bung wantaim ol poroman bilong em insait long Washington, Yunaitet Stets ov Amerika (U.S.A) long toktok long katim daun namba bilong sik, sua na indai we i save bungim ol manmeri.

Dipatman bilong Helt insait long Yunaitet Kingdom (U.K) na U.S.A i wok long putim ol risos long statim wok bilong daunim dispela ol birua.

Sir Liam Donaldson husat i Sief Medikef Opisa bilong U.K i tok sefti bilong sikman em i wari bilong olgeta kantri na mipela i amamas long lukim sampela kantri i bung wantaim mipela long daunim dispela hevi.

Dispela wok sapos i kamap gut bai i lukim ol kantri save mani we ol i bin baim ol marasin samting na yusim long developim ol arapela samting insait long kantri bilong ol.

Ol narapela kantri i mas luksave long gutpela bilong dispela kain program long helpim sindaun bilong ol manmeri husat i sik na i no sik tu long nau na long bihain taim tu bai ol kantri bilong ol ron gut.

WANTOK KOMENTRI
Kainkain stail bilong ol lida

PALAMEN haus em yumi olgeta pipel bilong Papua Niugini i save olsem em hap we ol lida bilong yumi i save bung na sindaun na toktok. Bikipela toktok bilong ol em long kamapim lo na kisim ol sevis na developmen i kam long yumi ol pipel. Dispela sevis na developmen ol lida i kisim i kam i bilong stretim sindaun na laip bilong yumi. Bai yumi i ken kamapim gutpela sindaun na amamas long wanwan hap yumi i stap long en.

Tasol sapos i nogat samting i kamap long yumi, orait yumi gat askim long tromoi long ol lida. Yupela i go long Palamen na mekim wanem samting?. Wanem wok bilong yupela long Palamen?.

Long dispela wik ol lida bilong yumi long Palamen i mekim kainkain stail na pasin stret. I gat luksave bilong Palamen i stap olsem sapos wangepa memba i hatim bel o tok pilai long narapela lida o kolim nem bilong ol lain husat i no memba, nogat samting bai rong long ol. Ol i gat dispela pawa insait long haus Palamen yet long mekim dispela. Sapos tupela lida i tok nogut i go kam o soim han nogut o i tok lukaut long narapela em i orait yet aninit long luksave bilong Palamen. Ol i gat rait ol i kolim Palamen Privilis.

Long dispela wik em yumi lukim ol lida i mekim wankain pasin we ol i mekim nabaut long dispela Palamen Privilis. Ol i bikmaus i go kam long Spika bilong Palamen na Spika i yusim ol sekyuriti bilong em long rausim ol dispela memba i go ausait long floa bilong Palamen.

Gavana bilong Milen Be Tim Neville i no harim tok bilong Spika na wokabaut isi i go ausait o senisim sit na memba bilong Manus Charlie Benjamin i nogat rait tru long katap i go sindaun long sia bilong Spika taim Spika i bin go kisim liklik malolo long wetim nois i go daun pastaim. Em sampela piksa nogut ol lida i mekim.

Sapos Spika i asua o nogat em samting bilong lo long skelim na tokaut long bihain taim. Em long pasin Spika i mekim long i no



luksave long disisen bilong Rejistra bilong Politikol Pati na Kendidet Paul Bengo we i tokaut olsem Andrew Baing em lida bilong Pipels Progres Pati (PPP) na Tim Neville em lida bilong Pipels Yunaitet Risos Pati (URP). Spika i tok em i no luksave yet long dispela na i sanap yet wantaim luksave em i bin givim bipo.

Paul Bengo em edvaisa bilong Gavman bilong Jeffery Nape na wanem edvais o tok stia em givim em gavman i save kisim na

bihainim. Tasol nau em taim bilong Spika long egensim em na askim Ombudsmen Komisn long sekim wok bilong em we em i givim narapela edvais we i narakain long edvais bilong em.

Em i orait em samting bilong kot na lo long glasim skelim na tokaut long dispela.

Tasol bikipela samting em ol traipela traipela lidaman bilong yumi i save mekim ol samting olsem ol pikinini i save pilai mabol na pait na mekim planti nois long en.

i gutpela long wangepa lida i klaim toktok bilong em pastaim na bihain narapela i ken kamapim bilong em.

Pasin bilong bikmaus na sutim han long narapela na tok pilai olsem ol mangi em lusim. Dispela i save kamap tu long redio na ol pablik i save harim na skelim i stap ya. Nogut ol i save long yu wanem kain lida na bai ol i putim was long yu long 2007 nesanel ileksen taim olgeta olpela lida na nupela lida i traim long winim sia gen.

WANTOK
 Published Weekly, Wednesday, for Word Publishing Company, Ltd.
 P.O. Box 1982, Boroko, NCD
 Papua New Guinea
Telephone: 325 2500
Fax: 325 2579
Email: word@global.net.pg

Pe bilong wangepa yia
52 niuspepa

Ples:	Air:
PNG	K140.00
AUSTRALIA	US\$100.00
ASIA PACIFIC na JAPAN	US\$80.00
AMERICA na EUROPE	US\$150.00

General Manager
 Justin Hansu Kili

Editor
 Yakam Kelo

Word Publishing Company Limited is owned by the four major churches of Papua New Guinea- Catholics 50%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Published by Jeremy Burgess and printed by Pacific Star-P.O. Box 6817 Boroko NCD at allotment 13 section 38 Waigani drive, Port Moresby

Stail Lidasip i mas kisim ting ting na toktok bilong pipel

Long tok pisin yumi ken tok, kisim tingting na toktok wantaim na wokim disisen.

Long dispela stail bilong lidasip, pastaim long lida i wokim disisen, em i mas kisim tingting bilong ol arapela husat i wok wantaim em na tu ol lain husat bihainim em (pipel) bihain wokim disisen we em i fit wantaim tingting we em i kisim pinis.

Tru lida i gat rait long wokim disisen, tasol em i mas kisim tingting pastaim long ol arapela manmeri.

Dispela kain stail em i wangepa gutpela stail we i mekim ol pipel na tu ol wanwok i pilim



OL PRINSIPOL BILONG GUTPELA LIDA
 wantaim
Pastor na Evangelist OHARE JABERE

olsem ol tu i stap insait long givim tingting na wokim dispela disisen o polisi long gutpela bilong olgeta pipel.

Dispela stail em i mekim ol pipel i gat rispek long Lida

Dispela stail em i mekim ol pipel i pilim ol i stap insait long dispela grup o bung.

Dspela stail em i helpim long daunim pasin bilong sutim tok bihain sapos samting i go rong, long wanem olgeta i toktok wantaim na mekim samting wantaim (disisen).

Lida bungim ol arapela na kisim tingting, skelim samting gut na bihain go het long

mekim disisen we em i gutpela long olgeta yet.

Dispela em wangepa kain stail we tude yumi wok long yusim insait long olgeta de long olgeta kain wok bilong lotu, komyuniti, kantri na ol arapela konstitusen.

Consultation o toktok wantaim na kisim tingting bilong arapela em i wangepa gutpela rot long mekim samting. Sapos samting i go rong, bai ol i no inap sutim tok nogut long wangepa man o meri tasol. Em bai olgeta yet i karim hevi wantaim. (Tru tumas tingting gut pastaim na bihain yu toktok)

Maski long ol lo bilong waitman

Dia Edita,
Long mun Oktoba 13, 2004 mi lukim wanpela strongpela lo i tok orait long kilim man i dai na mi pore na mi tok em i tru sapos pe bilong sin em dai tasol em lo i tok.

pela man. Baibel i tok lusim sin em bikpela samting na PNG Gavman i kisim strong long husat?

God i no tok orait long kilim man nogut gavman sanap antap long lo na mani na kilim man na bihain Papa God bai givim bikpela hevi.

Olsem na yumi to PNG em Kristen kantri. Bilong wanem na nem nogut bai yumi kisim?

**PINNU G. ASAGIONG
POPONDETTA
ORO PROVINS**

Jisas tasol em rot i go long Heven

Dia Edita,

Mi laik bekim pas bilong wanpela brata rait long *Wantok Niuspepa* na toktok long de Sabat na Sande.

Sori *Wantok Niuspepa* i lus long haus bilong mi na mi i no inap save long nem bilong brata ya. Tasol ol toktok em toktok long niuspepa ya mi save olsem na mi ken bekim. Brata em toktok long Sabat, em i tok, em yet i save lotu long SDA. Het tok, em putim olsem planti man i paol tumas long lotu.

Toktok na tingting bilong em i ting olsem ol SDA tasol bai i go long Heven bikos ol save holim dei Sabat. Ol Sande lotu bai ol i no inap i go long Heven.

Nau mi laik bekim pas bilong brata na mi laik tok olsem, mi i no save lukim dispela hap tok long Baibel i tok, ol SDA o Sabat lotu bai i go long Heven. Sapos i stap long wanpela hap long Baibel orait, yu putim dispela teks long niuspepa na bai yumi lukim. Baibel i no save tokaut long nem bilong wanpela lotu nogat tru. Baibel i tok, blut bilong Jisas tasol bai pinisim olgeta sin. Man i bilip tru long Jisas na tok sori long ol sin em i bin mekim. Orait, Jisas kisim em bek wantaim mari-mari bilong em na em pogivim olgeta sin bilong em. Na em kamap nupela man redi long go long Heven. I no de Sabat bai kisim i go long Heven nogat. I no Sande lotu bai kisim man i go long Heven em tu nogat. Bai yu i go long Heven long dispela

rot. (Matyu 5:8) Man bel i klin bai lukim God.

Yu husat raitim dispela pas yu ritim dispela pas na ritim dispela Baibel ves mi raitim long hia. Matyu 12: 1-8, 12:9-14; Mak 2:23-28, 3:1-6; Luk 6:1-11; Kolosi 2:16-23.

Brata, yu i stap long rum bilong yu yet na prea na askim long God bai opim bel na tingting bilong yu na givim yu gutpela save na bihain yu ritim dispela Baibel ves mi raitim long em bai God ken helpim yu. Long Buk Kolosi 2:16-23 i toktok long ol lo bilong bipo, em i olsem biksa tasol bilong samting bai i kamap bihain. Wanem samting i kamap bihain? Em piksa bilong Jisas Krai tasol. Brata ya i tok olsem Jisas i bihainim Sabat tasol mi ting olsem Jisas i no bihainim Sabat tasol em bihainim bikos em lo bilong ol Juda. Sapos Jisas i bihainim Sabat, bilong wanem ol Peresi na saveman bilong ol Juda ronim Jisas taim em oraitim ol sik man long de Sabat?

Tingim gut brata, yumi ol PNG yumi Jentail. Yumi i no Jiu. Yumi Jentails yumi waswas long blut bilong Jisas. Yumi i no waswas long blut bilong sipsip. Lo bilong bihainim Sabat na kilim sipsip na karim i go long alta long lusim sin em pinis. Jisas Krai pinisim antap long diwai kros long Maunten Kalvari. Wanpela taim tasol na pinis. Brata sori tru olsem mi lus tingting long nem bilong yu tasol plis no ken paol tumas brata sios bilong yu i no inap kisim

yu go long Heven Nogat tru.

Yu lotuim Jisas Krai tasol em tasol i rot na laip na tok tru. Gutnius Mak 15:38. Taim Jisas i dai antap long diwai kros dispela laplap long temple em i bruk antap na kamdaun long graun.

Dispela i soim ples klia olsem Jisas i no bihainim Sabat tasol em pinisim Sabat na wokim nupela kontrak. Sapos Jisas i laik strongim Sabat, em bai kirap bek long de Sabat, tasol em kirap bek long matmat long Sande. Sande em nupela kontrak bilong Jisas. Sapos mi tok olsem, Jisas kirap long Sande mi bilip tasol long Sande na mi wok long lotu long Sande. Sori tru mi paolim mi yet. Mi i no inap i go long Heven nogat tru. Brata yu ritim dispela Baibel ves Matyu 18:9-14.

God salim Jisas i kam daun long dispela graun long pinisim olpela kontrak na putim nupela kontrak. Olgeta toktok long Baibel i stap klia wanpela i no hait o wanpela i no paol nogat tru. Olgeta toktok bilong Baibel i klia na i stret. Plis yu i no ken traim long paolim toktok bilong Baibel. Dispela toktok tasol long Baibel ya bai tanim bek na kotim yumi.

**JOHN LUMBU
LAE
MOROBE PROVINS**

Mekimsave long ol man nogut

Dia Edita,

Mi i no amamas long ritim long pepa long Fonde Septemba 2, 2004, long ol sampela man nogut i bagarapim wanpela meri Madang na kilim indai brata bilong em.

Dispela kain bilong bagarapim meri na kilim man na katim pes i no gutpela. Sapos wanpela bilong yupela i stap long Madang na ol man wokim olsem bai yu pilim olsem wanem?

Yu i mas tingim gut pastaim. Ol Madang i gat birua na yupela i mekim olsem a? Plis ol polis, lida na olgeta komyuniti wok bung na bringim ol kain animol i go long han bilong lo.

**MATT DEDEBOH HOLEYAH
MT HAGEN
WESTEN HAILANS PROVINS**

Kampani save baim ol gavman opisa

Dia Edita,

Bel hevi bilong mi i go olsem, mi no amamas long pasin ol ovasis kampani i wok long mekim nau long Vanimo.

Dispela pasin we ol nau i save mekim em pasin bilong yusim mani long baim o braivim ol gavman opisa kain olsem polis na forestri opisa o ol arapela gavman opisa tu.

Planti ol papagraun i save komplon long kampani i no save bihainim ol toktok we i stap insait long agrimen o tok wanbel bilong kampani wantaim papagraun.

Tasol hariap tru kampani bai yusim mani na braibim o grisim ol sampela pablik seven long ol i ken mekim save long ol asples na papagraun.

Planti taim ol i save

paitim ol man nating ol i no save kam na askim pastaim.

Nogat ol i save kam na paitim man nating bikos long wanem ol i kisim pinis mani bilong kampani.

Olsem na ol i no inap givim sans long ol papa bilong ol samting.

Nau mi laik askim Gavana Carlos Yuni long sekim kampani na gavman dipatmen olsem polis, forestri, DPI.

**BENJAMIN A IWIKOU
VANIMO
SANDAUN PROVINS**

Sekim kampani na ol gavman dipatmen.

PNG i no soim nem bilong Kristen

Dia Edita,

Yes mi gat bikpela wari tru long dispela kantri bilong yumi Papua Niugini. Wari bilong mi em i olsem.

Kantri bilong yumi i save tok Kristen kantri tasol dispela tok i no tru.

Bikos mi lukim planti man na meri i save stil na pait na kilim man nabaut i pulap tru long dispela kantri bilong yumi.

Nau mi tok stret i go long yu husat man o meri yu husat i save mekim dispela kain pasin.

Nau yu mas tanim bel na i stap trupela kristen, nogut yu westim taim bilong yu long bihainim Jisas.

Mi yet mi tingim olsem dispela tok em gutpela long helpim arapela.

Olsem na mi raitim 2 Pita 3: 8-9.

Sapos yu husat Kristen i laik sapatim dispela tok bilong mi o agensim em gutpela.

Mi wanpela manki Morobe na distrik bilong mi Kabwum na mi i stap long Lae.

**PITA M.K.
LAE
MOROBE PROVINS**

Property for Lease

Ideal for companies looking for staff accommodation. Two furnished 3 bedroom units with standby water are available

1. Rainbow Estate, secured private compound.
2. Company lease preferred.
3. For further details contact Property Manager on **325 2500** Or email to wordfc@global.net.pg



Flat 4 for lease



Flat 7 for lease

OL PAS

Salim pas i kam long **WANTOK**
Niuspepa
P.O. Box 1982,
Boroko, PNG

Ol yangpela Kristen redi long soim pasin bilong laikim.

Redi na ol pasin: YANUAR 2004

Konfemesen bilong ol nupela Kristen

MOA long 500 Luteran long Mosbi i bin bung long Marimari kongregesen long Mosbi long lukim 67 yangpela Kristen i kisim konfemesen blesing long Sande, Novemba 7, 2004.

Dispela i bin wanpela bikpela konfemesen blesing tru long Mosbi we ol papamama na olgeta waswas papamama na famili i kamap bung long lukim dispela bikpela de bilong ol nupela yangpela Kristen.

Pasto Gundu bilong Marimari kongregesen i go pas long lotu dispela spesel lotu bikpela tok bilong gutnius long pasin bilong laikim we i stap long Jon sapta 3 vers 16. Pasin bilong laikim i save kamapim planti gutpela na bikpela samting long laip na sindaun bilong ol Kristen.

Ol dispela nupela Kristen manmeri i bin kisim namba wan holi komunio bilong ol tu long dispela de.

Olpela Sief Jas bilong Nesenel Kot long Papua Niugini Sir Arnold Amet i

strongim ol dispela yangpela Kristen manmeri wantaim bikpela tok stia long lukautim gut laip na sindaun bilong ol. Hevi bilong sik nogut olsem HIV AIDS i wok long kamap bikpela na dispela i save kamap long pasin bilong pamuk o slip wantaim man o meri nabaut.

Sir Arnold i tok mipela i mas lukautim bodi bilong mipela gut na i noken mekim nabaut long pasin doti olsem pasin pamuk. Em i tok strong long ol nupela Kristen ya na olgeta manmeri tu long sanap strong long lotu na prea. Em tasol bai strongim na helpim yumi long gutpela sindaun na amamas.

Presiden bilong Evenjelikel Luteran Sios long Papua rijon Reveren Sommy Setu i strongim ol nupela manmeri ya long noken kirap nogut long wanpela liklik taim tasol na givim dispela bikpela samting we i laip na gutpela sindaun bilong yu long bihain taim.

Reveren Setu i givim tok piksa long stori bilong Iso na Jekop we Iso i givim bikpela presen bilong em i go long Jekop taim Jekop i grisim em long wanpela naispela sup we em i kukim.

Namel long ol dispela 67 manmeri i bin kisim konfemesen blesing, 6-pela i kisim baptais tu long dispela taim.

Pasto Gundu i tok sampela bilong ol dispela pikinini i no bin kisim gutpela skul bikos ol i sot long skul fi.

Olsem na em i tok strong long ol Luteran manmeri long senisim pasin bilong ol na lukim skul fi olsem em wok bilong ol famili na komyuniti.

Na i no wok bilong famili yet. Dispela i save mekim famili i sot na pikinini i save kam bek long haus na nogat gutpela edukesen bilong em.

Pasto Gundu i tok bikpela samting em mipela i mas gat ol skul manmeri long komyuniti na ples bilong yumi.

Bihain long lotu, olgeta papamama na ol kongregesen memba i bungim wantaim ol dispela 67 nupela Kristen manmeri long kaikai ausait long banis bilong Marimari Luteran sios long Godens.



• Ol yangpela manmeri husat i kisim baptais na konfemesen long Marimari Luteran Sios las Sande.



• Ol hetman i putim han antap long wanwan yangpela manmeri long taim ol i givim ol konfemesen blesing. Wanwan i kisim Baibel ves olsem stia bilong ol.



• Pastro Gundu i baptaisim wanpela yangpela meri taim em i kisim blesing bilong em long joinim ol bikpela kristen manmeri.




• Pastro Gundu i givim holi komunio long wanpela nupela Kristen bihain long em i kisim konfemesen blesing bilong em. Dispela em namba wan komunio bilong ol.



• (Lephan) Olpela Sief Jas Sir Arnold Amet na hetman Adam Wangu i givim blesing long tupela yangpela konfemesen lain long Sande.



• Wanpela nupela konfemesen meri i kisim holi komunio bilong em i kisim blesing long las wik Sande.




Siria sainim tok orait wantaim Irak

Ijip:
Foren Minista bilong Ijip, Ahmed Abdul Gheit, (R) i holim wanpela pres konfrens wantaim Foren Minista bilong Siria, Faruq al-Shara, long Novemba 7, insait long Kairo. Shara i tok olsem Damaskus bai sainim wanpela protocol o tok orait wantaim Irak long sait bilong sekyuriti. Em i bilip olsem dispela bai kilim dai ol toktok i kamap olsem ol militent o ol man bilong pait i wok long kam long Siria na go insait long Irak.




Irak stap long taim nogut

Irak:
Wanpela meri Irak karim bebi bilong em na wokabaut long wanpela rot long Begded. Praim Minista bilong Irak, Iyad Allawi, i putim aut stet ov imejensi long Irak tasol i no long noten rigon bilong Kurdistan. Dispela stet ov imejensi bai i stap inap long 60 de wanpela mausman i bin tok long Novemba 8.



I gat bilip long marasin bilong kensa

Poto soim binatang bilong kensa stap insait long blut. Long planti yia nau ol wokman bilong haus sik i wok hat long painim wanpela marasin long pait wantaim ol binatang bilong sik kensa bilong ol meri o sua we i save kamap long bel bilong ol mama. Kalkai bilong ol dispela wok i soim olsem i gat sampela bilip long painim wanpela kain marasin olsem.



Gibson winim awod

Amerika:
Ekta Jim Caviezel i toktok long we em i bin ekt olsem Jisas long muvi "The Passion of Christ" long seremoni bilong Catholics in Media Awards, long Sande, Novemba 7. Bihain long dispela em i givim wanpela awod long Mel Gibson ol i kolim Mosen Piksa Awod. Catholics in Media Awards i save luksave long ol man na projek we i save givim bilip long ol man-meri.



Twins pas long bel na bros

Honduras:
Dispela twins bilong Honduras i pas long bel na bros bilong ol. Bebi man i stap long lephan na bebi meri i stap long raithan bilong dispela poto ol i kisim long Escuela Hausik insait long Tegucigulpa long Sande, Novemba 7. Ol dispela twins bin bon las Fraide long Danli.




Itali ami tok nogat long fatpela meri

Itali:
Ol dispela meri bilong Itali laik joinim ami na ol putim ol mak bilong haitim pes bilong ol. Itali ami i bin pasim wanpela yanpela meri i laik joinim ami bilong wanem em i bin fat tumas.



Saienis painim nupela man bilong bipo

Australia:
Dispela poto, we i kam long Yunivesiti bilong Wollongong long Sidni, i soim wanpela kain man bilong bipo. Ol saientis no bin save olsem i bin gat dispela kain man long bipo. Ol saientis bilong Austrelia na Indonesia bin painimaut long dispela long ailan bilong Flores na nemim em long Homo floresiensis.




Skai Danis

India:
Ol memba bilong Frens Ekrobetiks Tim (FAT) i soim stail na kala bilong ol long Hindan Airbase insait long Ghaziabad long New Delhi.

Roket bilong Saina tekof

Saina:
Poto soim roket bilong Saina i lusim lonsin sait o ples bilong tekof. Saina i bin salim wanpela et obsavesen setelait o wanpela spes masin bilong lukiuk long graun i go long spes. Ol i mekim dispela long Taiyuan bes bilong ol i stap long not



Arafat sik nogut tru

Palestain:
Wanpela meri kis long poto bilong Presiden bilong Palestain, Yasser Arafat, insait long Marseille long wanpela demonstresen. Mak bilong 150 manmeri i go long dispela bikpela wokabaut long soim sapot bilong ol long Arafat husat i luk olsem bai dai klostu.

CATHOLIC RADIO schedule

Fonde		Mande		Fraide		Sarero		Trinde		Sande			
6:00	ANGELUS	6:05	SUNDAY EUCHARIST (replay)	6:00	ANGELUS	6:00	ANGELUS	6:00	ANGELUS	6:00	ANGELUS		
6:05	MEDITATION/INSPIRATIONAL MUSIC	7:00	HOLY ROSARY	6:05	MEDITATION/INSPIRATIONAL MUSIC	6:05	MEDITATION/INSPIRATIONAL MUSIC	6:05	MEDITATION/INSPIRATIONAL MUSIC	6:05	MEDITATION/INSPIRATIONAL MUSIC	6:05	MEDITATION/INSPIRATIONAL MUSIC
7:00	VATICAN RADIO WORLD NEWS	7:30	CATHOLIC INSIGHT	7:00	VATICAN WORLD NEWS	7:00	VATICAN WORLD NEWS	7:00	VATICAN WORLD NEWS	7:00	VATICAN WORLD NEWS	7:00	VATICAN WORLD NEWS
7:15	VATICAN ENGLISH PROGRAM	8:00	VATICAN WORLD NEWS	7:15	VATICAN ENGLISH PROGRAM	7:15	VATICAN ENGLISH PROGRAM	7:15	VATICAN ENGLISH PROGRAM	7:15	VATICAN ENGLISH PROGRAM	7:15	VATICAN ENGLISH PROGRAM
7:35	NON-STOP GOSPEL MUSIC	8:15	VATICAN ENGLISH PROGRAM	7:35	NON-STOP GOSPEL MUSIC	7:35	NON-STOP GOSPEL MUSIC	7:35	NON-STOP GOSPEL MUSIC	7:35	NON-STOP GOSPEL MUSIC	7:35	NON-STOP GOSPEL MUSIC
8:00	JOURNEY HOME (EWTN)	8:40	IN THE LORD'S VINEYARD	8:00	BEST OF JOURNEY HOME	8:00	RADIO ST JOSEPH PRESENTS	8:00	CROSSROADS (EWTN)	8:00	SCRIPTURE MATTERS WITH DR. SCHOT HAHN (EWTN)	8:00	SCRIPTURE MATTERS WITH DR. SCHOT HAHN (EWTN)
9:00	VATICAN RADIO WORLD NEWS	10:00	NON-STOP GOSPEL MUSIC	9:00	VATICAN RADIO WORLD NEWS	9:00	VATICAN RADIO WORLD NEWS	8:15	VATICAN WORLD NEWS	9:00	VATICAN ENGLISH PROGRAM	9:00	VATICAN ENGLISH PROGRAM
9:15	VATICAN ENGLISH PROGRAM			9:15	VATICAN ENGLISH PROGRAM	9:15	VATICAN ENGLISH PROGRAM	8:30	VATICAN ENGLISH PROGRAM	9:15	VATICAN ENGLISH PROGRAM	9:15	VATICAN ENGLISH PROGRAM
9:40	KIDS SING-ALONG			9:40	KIDS SING-ALONG	9:40	KIDS SING-ALONG	9:30	BACKSTAGE (EWTN)	9:30	KIDS SING-ALONG	9:30	KIDS SING-ALONG
10:00	CATHOLIC JUKEBOX			10:00	CATHOLIC JUKEBOX (EWTN)	10:00	CATHOLIC JUKEBOX	10:00	WAVE FACTOR	10:00	CATHOLIC JUKEBOX	10:00	CATHOLIC JUKEBOX
10:30	GOSPEL MUSIC			10:30	GOSPEL MUSIC	10:30	GOSPEL MUSIC	11:00	NON-STOP GOSPEL MUSIC	10:30	GOSPEL MUSIC	10:30	GOSPEL MUSIC
11:00	NON-STOP GOSPEL MUSIC			11:00	NON-STOP GOSPEL MUSIC	11:00	NON-STOP GOSPEL MUSIC			11:00	NON-STOP GOSPEL MUSIC	11:00	NON-STOP GOSPEL MUSIC
12:00	ANGELUS			12:00	ANGELUS	12:00	ANGELUS			12:00	ANGELUS	12:00	ANGELUS
12:05	VATICAN WORLD NEWS			12:05	VATICAN WORLD NEWS	12:05	VATICAN WORLD NEWS			12:05	VATICAN WORLD NEWS	12:05	VATICAN WORLD NEWS
12:20	VATICAN ENGLISH PROGRAM			12:20	VATICAN ENGLISH PROGRAM	12:20	VATICAN ENGLISH PROGRAM			12:20	VATICAN ENGLISH PROGRAM	12:20	VATICAN ENGLISH PROGRAM
12:40	REFLECTION MUSIC			12:40	REFLECTION MUSIC	12:40	REFLECTION MUSIC			12:40	REFLECTION MUSIC	12:40	REFLECTION MUSIC
1:00	LAMB'S SUPPER WITH DR. SCHOTT HAHN			1:00	OUR FATHER'S PLAN	1:00	OUR FATHER'S PLAN			1:00	OUR FATHER'S PLAN	1:00	OUR FATHER'S PLAN
2:00	MUSIC			1:30	AFTERNOON GOSPEL MUSIC	1:30	AFTERNOON GOSPEL MUSIC			1:30	AFTERNOON GOSPEL MUSIC	1:30	AFTERNOON GOSPEL MUSIC
3:00	CHAPLET OF DIVINE MERCY			3:00	CHAPLET OF DIVINE MERCY	3:00	CHAPLET OF DIVINE MERCY			3:00	CHAPLET OF DIVINE MERCY	3:00	CHAPLET OF DIVINE MERCY
3:20	NON-STOP GOSPEL MUSIC			3:20	NON-STOP GOSPEL MUSIC	3:20	NON-STOP GOSPEL MUSIC			3:20	NON-STOP GOSPEL MUSIC	3:20	NON-STOP GOSPEL MUSIC
4:00	CATHOLIC JUKEBOX (ENCORE)			4:00	CATHOLIC JUKEBOX (EWTN)	4:00	CATHOLIC JUKEBOX			4:00	CATHOLIC JUKEBOX	4:00	CATHOLIC JUKEBOX
4:30	NON-STOP GOSPEL MUSIC			4:30	NON-STOP GOSPEL MUSIC	4:30	NON-STOP GOSPEL MUSIC			4:30	NON-STOP GOSPEL MUSIC	4:30	NON-STOP GOSPEL MUSIC
5:00	JOURNEY HOME			5:00	WAVE FACTOR (EWTN)	5:00	WAVE FACTOR (EWTN)			5:00	WAVE FACTOR (EWTN)	5:00	WAVE FACTOR (EWTN)
6:00	ANGELUS			6:00	ANGELUS	6:00	ANGELUS			6:00	ANGELUS	6:00	ANGELUS
6:05	MADANG LOCAL NEWS			6:05	VATICAN ENGLISH PROGRAM	6:05	VATICAN ENGLISH PROGRAM			6:05	VATICAN ENGLISH PROGRAM	6:05	VATICAN ENGLISH PROGRAM
6:10	VATICAN ENGLISH PROGRAM			6:30	FATIMA	6:30	FATIMA			6:30	FATIMA	6:30	FATIMA
6:30	LAMB'S SUPPER WITH DR. SCHOTT HAHN			7:00	HOLY ROSARY	7:00	HOLY ROSARY			7:00	HOLY ROSARY	7:00	HOLY ROSARY
7:00	HOLY ROSARY			7:30	STATIONS OF THE CROSS	7:30	STATIONS OF THE CROSS			7:30	STATIONS OF THE CROSS	7:30	STATIONS OF THE CROSS
7:30	CATHOLIC INSIGHT			8:00	VATICAN WORLD NEWS	8:00	VATICAN WORLD NEWS			8:00	VATICAN WORLD NEWS	8:00	VATICAN WORLD NEWS
8:00	VATICAN WORLD NEWS			8:15	CRN LOCAL NEWS	8:15	CRN LOCAL NEWS			8:15	CRN LOCAL NEWS	8:15	CRN LOCAL NEWS
8:15	MADANG LOCAL NEWS			8:30	VATICAN ENGLISH PROGRAM	8:30	VATICAN ENGLISH PROGRAM			8:30	VATICAN ENGLISH PROGRAM	8:30	VATICAN ENGLISH PROGRAM
8:30	VATICAN ENGLISH PROGRAM			9:00	TOK STREET LONG HVAIDS	9:00	TOK STREET LONG HVAIDS			9:00	TOK STREET LONG HVAIDS	9:00	TOK STREET LONG HVAIDS
9:00	TOK STREET LONG HVAIDS			10:00	CATHOLIC JUKEBOX	10:00	CATHOLIC JUKEBOX			10:00	CATHOLIC JUKEBOX	10:00	CATHOLIC JUKEBOX
10:30	VATICAN ENGLISH PROGRAM			11:00	NON-STOP GOSPEL MUSIC	11:00	NON-STOP GOSPEL MUSIC			11:00	NON-STOP GOSPEL MUSIC	11:00	NON-STOP GOSPEL MUSIC

Malaoro ples bilong go mekim maket

Paul Zuvani i raitim

MALAORO Maket, Manuatopot, Korobosea i gutpela ples bilong mekim maket. Em i go pas long olgeta maket long Pot Mosbi long planti ol samting em ol manmeri long Pot Mosbi na Nesanel Kapitel Distrik olgeta i save gat bel krai long en. Na dispela i mekim em i namba wan maket long go.

Namba wan samting em i gat long en em yu i no inap wari tumas long man i pulim beg o samting long yu taim yu go. Tingting bilong yu bai i stap long samting yu laik salim na

Maket i klinpela maket. Manmeri husat i go long dispela maket i save long wanem hap ol i mas tromoi pipia. I gat lo long manmeri i no ken tromoi pipia nabaut. Sapos yu abrus na tromoi pipia yu givim hevi long yu yet. Sas em K30-50 spot fain. (I olsem yu bai baim sas stret K30-50 long dispela taim). Na ol samting long maket i klin.

Namba tri samting yu ken salim na baim samting yu laik long en. I no inap hat long yu painim samting yu laikim long en.

Namba foa planti samting em ol gutpela samting na i stap long liklik prais o gutpela



Yu i no inap lukim pipia taim yu go long Malaoro. Sapos olgeta maket i luk olsem dispela bai gutpela. O/poto: PAUL ZUVANI

baim na bai go bek long haus o ples bilong yu wantaim bel isi. Sapos i gat hevi polis stesin i stap long ai bilong maket. Polis wantaim Infomel Yut grup husat i wok long maket bai helpim yu hariap.

Namba tu samting Malaoro

mak we ol manmeri i ken baim long en. Yu bai lukim strong bilong mani bilong yu.

Namba faiv samting ol sevis i stap klostu. I gat bikpela ol stua i stap klostu long en. I gat sevis stesin i stap klostu tu sapos yu laik long kisim fiul o



Kodineta George Buke (fran wantaim wait t-siot) wantaim ol lain bilong em i putim bikpela was long maket. Hia maski ol i kisim poto ol i putim was yet.



Infomel Sekta Yut grup long Vadavada Setelmen wantaim polis opisa Markus Amto i amamas long gutpela wok ol i mekim long Malaoro Maket.

kerosin. Na bas stop i stap tasol long ai bilong maket.

Sapos olgeta maket long Pot Mosbi na NCD i bihainim lek-mak bilong Malaoro Maket olgeta maket bilong yumi bai i gutpela ples bilong salim na baim samting.

Tasol Malaoro Maket i no inap kamap olsem sapos sampela ol dediketed man i no kamap wantaim dispela tingting na laik long lukautim ples.

Polis stesin i kamap bihainim askim bilong menesmen bilong TST Malaoro Supamakot. Long lukim dispela stesin i stap menesmen i


Infomel Yut grup husat i stap tu long maket i kamap i bihainim tingting bilong bipo NCD na Sauten Rijon polis komanda Jeffery Vaki na NCD polis komanda Emmanuel Hela.

Dispela tupela man i laikim bai ol manki husat i stap nating i mas kamapim kain grup na lukautim ples. Na olsem dispela kain wok i kamap long Malaoro.

Kain tingting bilong Jeffery Vaki na Emmanuel Hela na TST stua i gutpela tru.

Ol i laik lukautim ples.

Long go pas long Malaoro sub polis stesin em Konstabol



Malaoro Maket polis opisa Markus Amto i sanap long ai bilong polis opis long hap. Nogat trabel i mas kamap.

givim wanpela kontena long ol polis i yusim olsem opis. I gat opios na liklik rum-gat long dispela kontena. Menesmen i save baim na givim sampela samting long ol polis tu long dispela taim.

Narapela samting em

Vincent Pokas wantaim tripela arapela opis. Ol i was long trabel i no ken kamap. Na long go pas long Infomel Yut grup em George Buke olsem kodineta. "Ol memba i no save kisim pe tasol i givim fri sevis long komyniti," Buke i tok.

Tari i kirap

Stori bilong sindaun bilong Tari. Long taim bilong ileksen traibol pait i save kamap na planti i dai. Nau Tari i kirap bek gen.

TUPELA yia i go pinis, ol manmeri long Tari, ol i no bin stap gut long wanem i gat planti pait na trabel long taim bilong nesanel ileksen. Nau ol i wok long kirap gen. Ples balus i op na i gat sampela projek i go het olsem Komyuniti Helt Kea (Community Based Health Care) (CBHC) long Tari Haus Sik.

Tasol i gat wari long saplai bilong elektrik pawa long Tari distrik. I gat wanpela lapun haidro pawa long Dauli, tasol planti taim em save

Fr Philip Gibbs i raitim

pilim olsem elektrik pawa i kam long ges bilong Sauten Hailans i mas helpim ol Tari tu.

Mausman bilong Porgera Joint Venture (PJV) long opis long Tari, Tupi Yamsa, i bin tok olsem Porgera maining kampani i bin wok long stretim haidro long Dauli long Tari Distrik na kampani i wok yet long helpim ol Tari long painim sampela gutpela ples bilong putim ol mini-haidro.

Tasol sampela manmeri i pilim olsem olgeta pawa bilong Hydes ges i noken go long Enga na ol i mas serim wantaim ol brata susa bilong ol long Hela.



Yangpela boi amamas na pilai long wara.



Mama hia em i save gut tru long mekim musik long diwai na rop. Ol foto: FR PHILLIP GIBBS.

bagarap long wanem, ol spea pat i sot na nogat mani long stretim. Edministreta bilong Tari Distrik, David Takitoko, i bin tok olsem nau ol i wok long painim we bilong kisim mani long olgeta lain husat i save yusim elektrik pawa na ol i ting olsem ol i inap wokim sampala moa mini haidro pawa. Ol laikim gutpela pawa suplai long helpim wok bilong ol skul na bisnis. Na tu, ol i laikim gutpela pawa saplai long haus sik, long wanem planti nupela masin long haus sik i laikim pawa.

Ol manmeri long Tari i lukim bikpela pawa lain i kam long Hydes Ges long Tari Distrik na go long gol main long Porgera, na ol i tingting planti. Ol i



Meri Tari raun na painim paiawut.



Tupela yangpela sindaun arere long rot na kounim ol ka i kam na go.



Mama Tari sindaun long maket na salim brus bilong em.



Lapun papa hia em winim mambu na mekim gutpela musik bilong ples tru.



Ol boi Tari stretim taia bilong ol.



Boi Tari i rolim smok na bihain salim long strit.



Raitman raun long maket na smok gut tru.

Makoma i kam pinis!

MAKOMA i kam pinis long PNG. Na taim ol i kamap long Jacksons ples balus long Pot Mosbi, olgeta yangpela pikinini insait long Mosbi siti husat i bin kliia long taim bilong ol long kamap i bin stap long tok weikam long ol.

"Anti Nathaliel, Nathalie, I love you," ol liklik manki na meri i singaut taim Nathalie i kamaut long ples balus wantaim ol brata susa bilong em long Makoma, dispela biknem gospel musik grup bilong Afrika.

Olgeta pikinini i sanap wetim ol i save long nem bilong wan wan long ol i stat long Duma husat i nam-bawan long famili, Tutula, Martin, Annie, Penganie na Nathalie yet.

Nathalie i bin kam long tupela mun i go pinis na i bin raun long Mosbi na Lae. Em i bin kam na amamas tru long laik bilong ol manmeri long musik bilong Makoma.

Em i go bek na tokim ol brata susa bilong em na nau ol i kam na lukim long ai bilong ol yet.

"Namba wan taim mi bin kam, mi bin kirap nogut na mi bin amamas tru," Nathalie i tok.

Martin Makoma tu i autim tingting bilong em: "Nathalie i bin kam bipo na em i go bek na i tokim mipela olsem PNG em i wanpela

Neville Choi i raitim

naispela ples tru. Em i olsem paradais. Nau mipela i kam na lukim mipela yet. Na ol manmeri tu long ples balus, mipela i kam aut na mipela i lukim ol manmeri na pikinini i planti olsem ol moskito."

Narapela susa bilong em, Penganie i tokim ol nius ripota olsem ol i kam long helpim Nesenel AIDS Kaunsol long autim tok aweanes long sik HIV/AIDS.

"Mipela bai lukim ol lain manmeri husat i gat sik HIV/AIDS, na mipela bai mekim ol i amamas," Penganie i tok.

Nathalie yet i tokaut olsem maski ol manmeri i gat sik HIV/AIDS na maski yumi ol manmeri long wol i gat kain kain kala skin, kala bilong blut bilong yumi olgeta i wankain tasol.

Em i tok bikpela toktok Makoma i kam long tokaut long en long PNG em pis o bel isi na pasin bilong laikim arapela olsem wanpikinini bilong God.

"Yumi olgeta i ken i gat kain kala skin, tasol yumi olgeta i gat wanpela kala blut tasol.

Yumi noken bagarapim arapela. Yumi i mas laikim ol arapela manmeri bilong wanem yumi olgeta i wankain tasol," Nathalie i tok.

Martin i bin stori long Makoma i bin stat

olsem wanem. Em i tok taim em liklik manki yet, mama bilong em wantaim wanpela propet i bin tokim em olsem em bai yusim musik long autim tok bilong bikman.

Na nau em i kam lukim laik bilong ol manmeri bilong PNG long musik bilong ol, em i amamas olsem em i ken autim toktok bilong God long musik bilong em.

"Yumi mas harim God taim em i toktok long yumi.

Em i ken toktok long mama na papa bilong mipela, em i ken toktok long brata, susa na poroman bilong yu.


Yu mas lainim long harim taim God i toktok long yu.

Sapos yu lusim em i stiaim yu long wokabout bilong yu, bai yu stap orait," em i tok.

Makoma bai stat pilai musik bilong ol long nau nait (Fonde nait) long Pot Mosbi Kantri Klub, bihain long Fraide moring, ol bai lusim Mosbi i go long Lae we ol bai pilai long indo kompleks bilong Sir Ignatius Kitage Stadium.

Long Sarere ol bai pilai long wanpela publik konset long Stadium gen long Lae.

Bihain ol bai kam bek long Mosbi long Sande we ol bai pilai long publik konset long Sir John Guise Stadium.



• Ol fan bilong Natalie i tromoi han long Natalie na ol i laik Natalie i putim mak long pepa bilong ol.



• Patrick i mekim liklik stail bilong em long amamasim ol fan bilong em long Jackson eapot.



Penganie i sainim nem bilong em long ol pepa bilong ol fan.
Ol Foto: JOE IVAHARIA

SEKIM TV LONG
DISPELA WIK:

8.30PM - SANDE NAIT MUVI- GHOST SHIP

Wanpela grup husat i save raun long solwara long painim ol sip i painim birua o i kisim bagarap i kam painim wanpela sip i bin lus long 1972 yet. Taim ol i go antap long dispela sip na traim long pulim sip i go bek long sua, ol kain kain samting i kamap long ol.



Telek rilisim namba tri intanesenel albam

BIKNEM musik man bilong PNG yet, **George Mamua Telek** bai lonsim namba tri intanesenel rilis bilong em long Australia long dispela mun.

Manki Tolai ya bai lonsim dispela namba tri intanesenel albam bilong em bihain em bai go pilai raun long ol bikpela siti long Australia wantaim The Telek Band, ben i save pilaim musik bilong em.

Dispela raun bilong em bai inapim 4-pela wik na bai i stat long Cairns long namba 14 de bilong Novemba na pinis long Melbourne long namba 11 de bilong mun Disemba.

Ben bilong Telek i bin kamap long wanpela wok bung namel long George na ol musik man, Ben Hakalitz, biknem PNG drama husat i pilai wantaim Yothu Yindi, David Bridie, musik man bilong biknem ben bilong Melbourne, Not Drowning, Waving, Glen Low bilong Barika, lid gitaris Phil Wales na narapela drama bilong Australia, Greg Patten.

Dispela albam 'Amete', em ol i rilisim pinis long Australia long kamaut wantaim raun bilong Telek i go long Solomon Ailans long makim bikpela amamas bilong makim namba wan krismas bilong operesen bilong RAMSI (Rijnol Asistens Misis) i go long Solomon Ailans.

Raun bilong ol long Solomon Ailans long mun Septemba we Telek i pairapim sampela singsing bilong em long nupela albam ya i bin kamap gut tru. Telek Ben i bin go wantaim em long raun bilong em long Solomon Ailans.

Dispela nupela intanesenel albam bilong Telek em i rekodim long Australia long Enormodome studio bilong David Bridie long Melbourne na long PNG long mun Mas 2003. Tim Cole bilong Not Drowning, Waving i bin miksim na ol i bin rilisim las mun aninit long Blunt Label na Shock Records.

Kodineta bilong lonsing long Australia, Ben Hakalitz i tokim mi olsem dispela albam 'Amete' i lusim stail bilong narapela tupela albam bilong em na i lukluk moa long stringben stail musik, Pasifik ruts pop na ol singsing tumbuna bilong Tolai yet.

"Em nau musik em i pairap strong tasol i soim yet stail bilong Pasifik long sait bilong bekap musik na singsing stail, ol kundu na gita wok," Hakalitz i tok.

Hakalitz, husat i makim maus bilong Maday management i tok ol bikpela singsing long dispela albam em 'Paska', 'Sonny' na 'Mama' wanpela singsing long ol wantok long 'Wes Papua', na 'Amete' na singsing tumbuna 'Lima Ngalie'.

"Tupela singsing, 'Abebe' na 'Typist' em ol i kisim long rekoding bilong Moab Stringben long 1986," Hakalitz i tok, "na ol i pulap long strong bilong musik bilong Rabaul we i bin bikpela long 1980s taim em i save pairap long Pasifik."

Em i tok albam Amete em i namba wan bikpela projek bilong Telek. Em i makim 11-pela yia long em i rekod na pilaim musik bilong em long ol ples olsem Grot Briten, Germany, Belgium, United States, Australia, Vanuatu na Solomon Ailans.

"Ol i save ong em long musik olsem 'Telek the Band, the Man and the Legend,'

Hakalitz i tok. "Maski em i kam long wanpela liklik ples Raluana klostu long Rabaul, tasol long sait bilong musik, Telek em i wanpela wol klas musik man, na em i gat nem pinis long musik bilong em i pairap ovasis."

Nupela albam em i bikpela tru na stail bilong ol singsing i George T. olsem wanpela musik man insait na ausait long PNG tasol husat i karamapim olgeta stail bilong musik na i soim kalsa bilong ol Tolai pipel.

"Ol singsing bilong em na nek bilong em inap long karamapim kain kain musik stail," Hakalitz i tok long Telek. "Em i ken singsing kantri na fok musik long PNG stringben stail, tolai singsing stail yet ol i kolim 'midal' na 'matira' musik stail."

Telek, dispela man bilong kaikai buai i raunim musik wol pinis wantaim 17 PNG albam na 3-pela intanesenel albam long nem bilong em. Mi bin stori long em long redio, TV na long ol niuspepa na magasin stori long 25-pela yia i go pinis. Na mi bilip olsem stori bilong em na gro na developmen bilong musik bilong em na strong bilong musik bilong em long ol yangpela musik man bilong tude em planti long ol musik fens bilong em i no klia tumas. Olsem na ating nau em i taim bilong mi long stori long George Telek gen.

Telek i bin statim pilaim musik long leit 19070s wantaim ol stringben long Rabaul pastaim long em i go pilai wantaim Kagan Devils na bihain Jr Molachs. Ol i bin pilai long ol skul greduesen pati na ol danis long ples long Gazelle Peninsula na Kokopo eria long ls Nu Briten.

Namba wan bikpela sans bilong em i kamap wantaim Painim Wok long namel long 1980s taim ol i tromoi tripela bikpela singsing long Top 10 long wanpela wik tasol.

Sans bilong Telek long pilai ovasis i bin kamap long 1986 taim David bridie na ben bilong em i kam long PNG.

"Mi baim sampela kaset bilong em na mi laikim tru nek na musik bilong em," Bridie i tok. "Taim mi bungim George long Rabaul mi tupela i paitim toktok long wok bung na long dispela taim mi luksave olsem mi laik helpim long karim musik bilong em i go ausait long Papua Niugini."

Bridie i kam bek long tupela yia bihain long 1989 wantaim ben bilong em long rekodim wanpela albam wantaim Telek na ol arapela PNG musik man long Rabaul. Ben Hakalitz i bin pilai wantaim Sanguma ben long dispela taim na em i bin go pilai wantaim ol.

Kaikai bilong dispela albam em 'Tabaran' we i kamaut long Australia long 1990 na i kamap namba wan wok bung namel long ol musik man bilong Australia na PNG.

"Intanesenel man bilong glasin musik David Byrne i tokaut long bikpela musik niuspepa long US, Rolling Stones

olsem dispela em i namba wan albam em i makim long 1990," Hakalitz i tok.

Bihain long en, Telek i bin go long pilai wantaim Not Drowning, Waving long Australia long sapatim Tabaran. Singsing stail bilong em i bin pulim ai bilong Inglis musik man na produsa Peter Gabriel husat i autim laik bilong em long katim wanpela albam wantaim Telek.

Gabriel i tok Telek bai go long Womad, wanpela musik festival i save sapatim ol musik bilong ol arapela kantri we i save kamap long Adelaide long 1992. Long dispela taim, Telek i poroman pinis wantaim tupela Aborigine musik man Archie Roach na Kev Carmody.

"Long 1995 bridie i tok em bai produsim wanpela albam bilong George we ol bai rekodim long Melbourne na Rabaul na bai Archie, Kev, Glen Low na mi yet i pilai long en. Na tupela yia bihain long 1997, albam 'Telek' i kamap," Hakalitz i tok. "Dispela albam i go na winim Australian Aria Award bilong 'Best Music Album' na Rolling Stones Magazine i kolim 'Best World Music Release of 1997.'"

Long namba tu albam bilong em, 'Serious Tam', George i go rekod long Real World Studios long Bath long Inglan wantaim Telek Ben na ol musik man bilong Not Drowning, Waving. Dispela em i namba wan intanesenel albam long kamaut long Noten Hemispia we wanpela PNG musik man i mekim na i luksave long Telek olsem wanpela musik atis bilong Pasifik i opim rot. 'Serious Tam' i kamap bikpela tru long wol na ol i salim long olgeta hap bilong wol. Em i pilai raun long UK, US na Pasifik na long olgeta Womad festival tu.

Telek i kisim bikpela luksave tru na Billboard, bikpela musik sat long UK i tok, "Wanpela gutpela samting long wol musik em wanpela bikpela nupela stail bilong musik i ken kamap long wanpela liklik kona bilong planet. 'Serious Tam' i soim dispela." - Billboard.

Times niuspepa long London i tok dispela albam em "Best Pop Album of 2000" na i tok, "Wanpela stail singsing i

bihainim tasol narapela...nek bilong Telek i pairap gut tru...wanpela mejik albam stret" - The TIMES.

LA Times i tok, "Wanpela gutpela miks bilong singsing bilong wol na pop-rok stail" - LA Times.

Sydney Morning Herald niuspepa long Australia i tok "Mipela i asua tru bikos mipela ol manmeri i save laikim musik bilong wol i stap long Australia i no luksave long musik bilong ol wansolwara. Dispela em i wanpela gutpela albam tru na bai i putim PNG long intanesenel musik map."

"The Telek Band i save halivim mi long penim narapela kain piksa long PNG we i narakain long ol arapela piksa we ausait wol i save harim stori long ol raskol na pasin korapsen tasol," George i tok "Na mi save long sanap bilong mi insait long Pasifik na long wol i strong yet."

Telek em i wanpela musik man insait long PNG long kisim wanpela medol i kam long Kwin, wanpela MBE, we em i kisim luksave bilong sevis em i givim long musik, na mi ting em i gat rait long kisim dispela kain luksave.

"Bikpela raun bilong em long Solomon Ailans long mun Oktoba i soim strong bilong wok bung namel long ol Melanesia na ol Australia taim ol i developim na opim ol pasin tumbuna i kisim luksave na strongim ol lokol pipel tu," Hakalitz i tok.

Ol konset bilong dispela mun bai stat long Tanks Theatre long namba 14 de bilong dispela mun we Telek, Ben Hakalitz na Glen Low bai pilai. Bihain long en ben bai pilai long Novemba 17, 18, 19 na 20 long Brisbane, Noosa na Byron Bay. Long Novemba 27, Telek bai pilai long Queenscliff Musik Festival long Victoria bipo long em i bung wantaim Yothu Yindi long Eureka Festival we bai i kamap long Victoria tu.

Disemba 8 na 9 bai em i pilai long Sydney na Canberra long Novemba 10 pastaim long las musik so bilong Telek Band long Melbourne long Disemba 11.

Rekod kampani bilong Telek, Shock Records i go pas long promotim dispela raun bilong Telek na ben bilong em, na Blunt Label i wok long salim ol kaset na CD.

***Yu ken ritim stori bilong ol musik man/meri long What's On With Raitman insait long POST COURIER tasol, Trinde, olgeta wik.**



Glasim Musik wantaim JK

NATIONAL WEEKLY HIT PARADE

Novemba 13, 2004 Twisties i sponsa		
Singsing	Musik Atis	Dispela Wik
Sigi Mangi	Grumo Masalai	1 (5)
Iri Bayama	Armstrong Gomara	2
Awamran	Uralom Kania	3
Sikul Sepik	Julius Moab	4
Sharon	Uralom Kania	5
Jornbie Kunex	New Painim Wok	6
Hard Life	X-Anals	7
Luv Bait	K-Mala	8
Last In Line	Edwin Baffe	9
Naike	Hausboi	10
Dimigura	Bits & Pieces	11
Modern Wali	Luke Banag	12
Zero Balance	Julius Moab	13
Kina.com.pg.au	Simbary	14
Daon Anda	West Kadah	15
Meri Sivi	Julius Moab	16
Sekol Das	Fox Originators	17
Spak Tasol	Hausboi	18
Kin	Uralom Kania ft Moses 20	19
Nellien		
In	Kina.com.pg.au	Simbary
	Dimigura	Bits & Pieces
	Spak Tasol	Fox Originators
	Meri Sivi	K-Mala
	Ravaku	Jnr Iroakele
	Liroumauke	Phi Jay
	20 Toea	West Kadah
	Sad Feelings	Gidson Kepas

EMTV GAID

Fonde
11/11/04

5:30 JOYCE MEYER MINISTRY
6:00 2002 WIMBLEDON
9:00 CREFFLO DOLLAR
9:30 DR PHIL
10:20 GRADE 7 SCIENCE
11:10 GRADE 7 SOCIAL SCIENCE
12:00 GRADE 11 MATHS
12:50 GRADE 11 PHYSICS
1:30 GRADE 11 GEOGRAPHY
2:30 THE WIGGLES
3:00 BANANAS IN PYJAMAS
3:30 JUSTICE LEAGUE
4:00 HOT SOURCE
4:30 Y
4:57 EMTV TOKSAVE
5:00 THE PRICE IS RIGHT
\$500,000 SUPER SHOWCASE
6:00 NATIONAL EMTV NEWS
6:30 A CURRENT AFFAIR
6:57 TOK PISIN NEWS UPDATE
6:59 LOTTO DRAW
7:00 CHM SUPERSOUND
7:57 EMTV TOKSAVE
8:00 SPORT SCENE
9:30 BEST OF THE FOOTY SHOW
11:00 EMTV NEWS REPLAY
1:00 KING OF QUEEN
1:30 NIGHTLINE
2:00 STATION CLOSE

Fraide
13/11/04

5:29 STATION OPEN
5:30 JOYCE MEYER MINISTRY
6:00 TODAY SHOW
9:00 CREFFLO DOLLAR
9:30 DR PHIL
10:30 FRIDAY'S PRIME TIME LINE UP
2:30 THE WIGGLES
3:00 BANANAS IN PYJAMAS
3:30 JUSTICE LEAGUE
4:00 HOT SOURCE
4:30 Y
4:57 EMTV TOKSAVE
5:00 THE PRICE IS RIGHT
\$500,000 SUPER SHOWCASE
6:00 NATIONAL EMTV NEWS
6:30 A CURRENT AFFAIR
6:57 TOK PISIN NEWS UPDATE
6:59 LOTTO DRAW
7:00 PRAISE
8:00 INSAIT PNG
8:30 Who want to be a millionaire
9:30 CSI - CRIME SCENE
10:30 CHM SUPER SOUND
11:30 NEWS REPLAY
12:00 NIGHTLINE
12:30 CLOSE
15:29 STATION OPEN

Tunde
16/11/04

5:30 JOYCE MEYER MINISTRY
6:00 TODAY SHOW
9:00 CREFFLO DOLLAR
9:30 DR PHIL
2:30 THE WIGGLES
3:00 BANANAS IN PYJAMAS
3:30 COURAGE THE COWARDLY DOG
4:00 HOT SOURCE
4:30 Y
4:57 EMTV TOKSAVE
5:00 THE PRICE IS RIGHT
\$500,000 SUPER SHOWCASE
6:00 NATIONAL EMTV NEWS
6:30 A CURRENT AFFAIR
6:57 TOK PISIN NEWS UPDATE
6:59 LOTTO DRAW
7:00 HAUS & HOME
8:00 BACKYARD BLITZ
8:27 EMTV TOKSAVE
8:30 SOUL CITY
9:30 STINGERS
10:30 ER
11:30 EMTV NEWS REPLAY
12:00 NIGHTLINE
12:30 CLOSE

Sande
14/11/04


4:00am Tri Nation Rugby: Aussie v Great Britain
6:30 IN TOUCH
7:00 IT IS WRITTEN
7:30 BUSINESS SUCCESS
8:00 BUSINESS SUNDAY
9:00 SUNDAY
11:00 Tri-Nation replay
1:00 ING Cup Cricket
4:30 Changing Room
5:30 Pacific Way
6:00 NATIONAL EMTV NEWS
6:30 DISCOVERED Grand Final
7:30 60 MINUTES
8:27 EMTV TOKSAVE
8:30 MOVIE: GHOST SHIP
Adventure horror Movie:

After discovering a passenger ship missing since 1962 floating adrift on the Bering seas, salvagers claim the ship as their own. Once they begin towing the ghost ship towards the harbour, a series of bizarre occurrences happen and group becomes trapped inside the ship, which they soon learn is inhabited by a demonic creature. Stars: Gabriel Byrne, Julianna Margulies, Ron Eldard

11:00 PRAISE
1:00 STATION CLOSE

Mande
15/11/04

5:30 JOYCE MEYER MINISTRY
6:00 TODAY SHOW
9:00 CREFFLO DOLLAR
9:30 DR PHIL
10:30 GRADE 7 SCIENCE
11:10 GRADE 7 SOCIAL SCIENCE
12:00 GRADE 11 MATHS
12:50 GRADE 11 PHYSICS
1:30 GRADE 11 GEOGRAPHY
2:30 THE WIGGLES
3:00 BANANAS IN PYJAMAS
3:30 COURAGE THE COWARDLY DOG
4:00 HOT SOURCE
4:30 Y
5:00 THE PRICE IS RIGHT
\$500,000 SUPER SHOWCASE
6:00 NATIONAL EMTV NEWS
6:30 A CURRENT AFFAIR
6:57 TOK PISIN NEWS UPDATE
6:59 LOTTO DRAW
7:00 PRAISE
8:00 INSAIT PNG
8:30 Who want to be a millionaire
9:30 CSI - CRIME SCENE
10:30 CHM SUPER SOUND
11:30 NEWS REPLAY
12:00 NIGHTLINE
12:30 CLOSE
15:29 STATION OPEN



Laikim Penpren

Nem: Rachel Giagre
Krismas: 18 (meri)
Adres: Mercy Secondary School, PO Box 580, Wewak, East Sepik Province.
Save laikim: Kaikai buai, pilai soka, danis, harim pop musik na wokim pren wantaim ol lain bilong narapela provins.

Nem: Adoleina Bais
Krismas: 18 (meri)
Adres: Mercy Secondary School, PO Box 580, Wewak, East Sepik Province.
Save laikim: Pilai volibol, harim musik, danis, kaikai buai na mekim pren.

Nem: Mark Abraham
Krismas: 23 (man)
Adres: PO Box 931, Agona Swedru, Ghana, West Africa.
Save laikim: Simming, ritim buk, lukim muvi na wokabaut long nambis.

Nem: Hannah Onuapa
Krismas: 20 (meri)
Adres: PO Box 931, Agona Swedru, Ghana, West Africa.
Save laikim: Swimming, lukim muvi, ritim buk na pilai volibol.

Nem: Godfred Adams
Krismas: 24 (man)
Adres: PO Box 931, Agona Swedru, Ghana, West Africa.
Save laikim: Swimming, ritim buk, raun lukluk long ol ples na senisim presen.

Nem: Tania Siyawe
Krismas: 16 (meri)
Adres: Mercy Secondary School, PO Box 580, Wewak, East Sepik Province.
Save laikim: Pilai spot, harim musik na stori wantaim ol pren.

Nem: Albertina Wani
Krismas: 16 (meri)
Adres: Mercy Secondary School, PO Box 580, Wewak, East Sepik Province.
Save laikim: Pilai spot na harim musik.

Nem: Stephanie Wane
Krismas: 17 (meri)
Adres: Mercy Secondary School, PO Box 580, Wewak, East Sepik Province.
Save laikim: Stori wantaim ol pren na pilai spot.

Nem: Jenlyn Suimbau
Krismas: 17 (meri)
Adres: Mercy Secondary School, PO Box 580, Wewak, East Sepik Province.
Save laikim: Pilai spot na ritim buk.

Nem: Miriam Mariem
Krismas: 17 (meri)
Adres: PO Box 1213, Wewak, East Sepik Province.
Save laikim: Kuk, harim stori na pilai spot.

Nem: Doreen Kaibiek
Krismas: 19 (meri)
Adres: Mercy Secondary School, PO Box 580, Wewak, East Sepik Province.
Save laikim: Pilai basketbol, swimming na stori wantaim ol pren.

Nem: Rachel Mori
Krismas: 19 (meri)
Adres: Mercy Secondary School, PO Box 580, Wewak, East Sepik Province.
Save laikim: Pilai volibol, swimming na stori nambaut.



STORI TUMBUNA

BIPO Bipo tru, long wanpela ples long Siwai insait long sautwes Bogenvil, i bin i bin i gat planti man i stap. Ol dispela lain man i bin lukautim wanpela liklik boi na nem bilong em Panagah. Dispela boi i no bin i gat papamama, olsem na taim em i stap em i kamap bikpela man.

Em nau long dispela taim, em i bin marit long dispela ples. Long dispela taim, ol man i save katim bel bilong ol meri long taim ol i laik karim pikinini i stap. Taim ol i katim bel bilong ol meri ol i save dai. Long wanpela taim nau, meri bilong Panagah i laik karim pikinini, olsem na Panagah i go na sindaun long dua bilong haus.

Long taim em i lukluk i go, em i lukim ol man bilong katim bel bilong meri bilong em i kam. Wantu Panagah i singaut, yupela i no ken katim bel bilong meri bilong mi. Tasol ol lain man i bekim, mipela i mas katim bel bilong meri bilong yu bai olgeta pen bilong em i pinis. Panagah i no laik bekim tok, olsem na em i pasim dua bilong haus na sindaun i stap.

Liklik taim bihain nau, Panagah i singaut long ol man bilong katim bel na tok, em nau meri i karim pikinini pinis.

Bihain em i kam ausait na i tok, yupela i mas mekim olsem: "Yupela ol man i mas go long bus na kisim sampela marasin bilong tumbuna, na givim long meri bai em i karim pikinini kwik.

Long dispela taim, ol i stat long bihainim dispela tok Panagah i bin autim long en bipo i kam inap ol waitman i kam bungim yumi. Na nau yumi i gat haus sik long ol mama i ken karim pikinini.

KORIKUNU Bogenvil



TOKSAVE: Sapos yupela i save long sampela stori bilong tumbuna na i laik serim wantaim ol arapela Wantok rita, salim i kam long mipela na bai mipela i putim long pepa. Salim i kam long dispela etres: Stori Tumbuna, Wantok Niuspepa, P O Box 1982, Boroko, PNG

Mi gat hevi na mi laikim helpim

Dia Laiplain

Mi gat hevi bikos meri bilong mi i laik maritim narapela man na lusim mi. Mi painim maut pinis long tingting bilong em long lusim mi. Mi no wanbel tu long em bikos em i bagarapim nem bilong mi olsem gutpela man bilong em na mi no trastim em nau.


Mi wok long painim wanpela meri long poromanim. Dispela meri i stap long wankain hevi na ol i rait pinis long Lifeline long askim tu long helpim na painim patna. Sapos yupela i save long sampela meri i gat wankain hevi, plis toksave long mi.

Mi save em i no samting bilong yupela long helpim mi painim poroman, tasol mi askim sapos yupela i ken helpim mi bikos lewa bilong mi i bruk.

BROKEN HEARTED

I luk olsem yu no bisi long dispela hevi tasol yu laik painim wanpela meri wantaim wankain hevi.

Yu save olsem lusim hevi taim yu no daunim o mekim



samting long stretim i no inap long helpim wanpela man. Yu lusim wanpela meri na yu painim narapela wantaim wankain hevi. Yu ting olsem bai yu painim amamas na stap olsem gutpela marit taim yu tanim baksait long namba wan meri bilong yu? Yu bin helpim meri bilong yu, olsem toktok long en na painaut watpo em i laikim narapela man na i lusim yu? Yu lainim samting long nambawan ekspiriens na namba wan marit bilong yu? I bin gast sampela hevi long sait bilong yu? Bai i moabeta sapos yu tingting long ol dispela.

Nau long painim narapela meri, Laiplain em i wanpela ogenaisesen long helpim givim tingting long ol man na meri i

gat hevi tasol mipela i no inap givim aut nem na etres. Na tu, Laiplain i no save wokim rot o helpim ol klain i bung na stretim rot long marit.

I gat sampela rot long bungim patna na save tong ol. Sapos yu go long sios, bai yu bungim wanpela meri. Na long wokples, i gat sampela meri husat i no marit

i painim patna i stap. Yu ken raitim pas i go long Post Courier o Wantok Niuspepa Penpren Kona na givim nem na ol arapela diteil bilong yu na wetim long kisim bekim.

Long wankain taim tu, noken hariap long painim meri na go insait long rilesensip hariap.

Marit i min olsem man na meri i mas save long wanpela arapela pastaim. Ol i mas bung, toktok, save long wanpela arapela gut, toktok long marit na ol samting ol i save laikim. Yumi save kolim dispela taim bilong "engagement". Bihain tong sampela taim, taim tupela i pilim olsem ol i laik marit, stap wantaim laikim wanpela narapela na bai ol i gat pikinini, tupela bai go long sios na toksave long

minista o pater long kisim biesing bilong God long marit bilong ol. Planti i save go tu long gavman na rejisterim marit bilong ol.

Mipela i hop na prei olsem bai yu painim rot long stretim wari na painim gutpela meri husat i ken kamap olsem meri bilong yu.

Laiplain

Sapos yu gat wari o hevi, rait i kam long dispela etres: Lifeline, P O Box 6047, Boroko, NCD, PNG. O yu ken ringim mipela long dispela telipon namba: 3260011. Taim yu rait i kam long mipela, putim trupela nem na etres bilong yu bikos bai mipela i salim bekim long pas bilong yu. Tasol taim mipela i putim pas bilong yu long dispela kolom, mipela i no inap long putim trupels nem na etres bilong yu. Tenkyu.



**Bisnis bilong Groim
Diwai insait long PNG
- Yusim graun we i
gat diwai long en**

Wok bilong yusim graun i gat diwai long en

Narapela rot bilong yusim - Ol bikpela Fores Prodak
Ol bikpela fores prodak em ol samting ol i save mekim long diwai -
-Raun diwai ol i katim bilong pos bilong sanapim ol bris na arapela samting.
-Raun diwai bilong katim i go kamap olsem so timba bilong mekim haus, sia, tebol na ol samting.
-Raun diwai bilong katim long mekim plaiwut na ol arapela samting
-Raun diwai bilong katim na mekim wud sip o brukim bilong mekim pepa.
-Raun diwai bilong paiawut na sit bilong paia.
Long planti hap bilong wol we ol ol i save menesim gut ol renfores, so diwai na plaiwut diwai prodaksen em bikpela wok bilong ol foresta.
Ol renfores timba i soim olsem i gat planti strong na mak we i mas stap long soim olsem ol diwai i gat strong long en. Strong bilong wan wan diwai i narakain long ol arapela. Ol strongpela diwai we i gat hevi em ol kwila diwai na ol sampela diwai olsem balsa i nogat hevi bilong em. Wankain tu em ol kala bilong diwai we inap bilak (eboni) i go inap long ol arapela kala olsem ret, braun, yelo pink na pepel i go wait. I olsem tu long sait bilong strong na ol arapela samting we ol i save painim long ol renfores diwai. Bikos i gat planti kain kain diwai wantaim planti kain kain strong bilong ol, yu ken kisim wanem kain timba yu laikim long renfores tasol namba bilong ol diwai yu laikim bai liklik na i no inap long rausim long renfores.
Ol bikpela timba indastri long wol i statim wok bilong ol wantaim ol conifer o diwai i no strong tumas insait long noten hemispia, na ol tropikel rison i yusim ol timba bilong ol arapela wok na i no bin kamap kwiktaim. Olsem na wok bilong yusim diwai long ol renfores i bin stap tasol long ol wanwan diwai we i gat ol bikpela strong bilong em, olsem ol eboni, mahoganies, cedar na ol wan kain diwai. Ol dispela kain diwai em ol i save kisim long mekim ol kabot na tebol samting. Long laspela 10-pela yia tasol em ol arapela diwai i wok long pinis bikos ol manmeri i save kisim long ol renfores. Dispela nau i sotim namba bilong ol dispela kain diwai, na i kamapim ol tropikel ekspot long resis wantaim ol arapela biknem diwai long ol Wol Maket, na apim mak bilong laik bilong ol dispela kain diwai bilong wanem mak bilong laip bilong ol i go antap na i gat ol nupela tritmen long givim strong long ol diwai i no strong tumas bai ol i ken stap long taim.
Long wol long 2002, long 3.4 bilien kubik mita diwai ol i mekim:
-Paiawut i sanap olsem 53% bilong olgeta
-So wut i sanap long 23%
-Ol samting olsem plaiwut i sanap long 7%
-Paip na pepa prodak i sanap long 12%
-Ol arapela wok indastri bilong sit bilong paia i sanap long 4%
Insait long Papua Niugini long 2002, diwai i kamaut long wan wan yia long mak bilong 8 milien kubik mita:
-63% em paiawut (5 milien m3 paiawut)
-23% em ol diwai ekspot (1.8 milien m3)
-8% em ol indastri ekspot prodak olsem so timba, plaiwut, vinia na wud sip (0.645 milien m3)
-2% long domestik indastri timba olsem so timba, plaiwut (0.2 milien m3).
Long ol PNG diwai ekspot long 2002
-PNG i ekspotim 80,000m3 long so diwai i go long Australia olsem bikpela maket. Ol arapela maket bilong PNG so wut i kamapim New Zealand, China na Korea.
-So timba diwai em ol balsa, kwila, dillenia, hopea, malas, mixed sawn, mersawa, pencil cedar, red cedar, taun, teak, vitex, walnut, water gum, wau beech
-PNG i ekspotim samting olsem 3,760m3 plaiwut bilong Australia olsem bikpela maket
-PNG i ekspotim samting olsem 97,000m3 bilong wudsip i go long Japan olsem bikpela maket
-PNG i ekspotim samting olsem 70,000m3 long plaiwut i go long Taiwan na Philippines olsem ol bikpela maket.

McCarthy & Associates (Forestry) Pty. Ltd.
National & International Forest Consultants
mccaf@datec.net.pg
"Long kisim tok stia long olgeta wok diwai!"

SEL bai helpim tru ol grasrut

William Natera i raitim

PNG Sustainable Development Program Limited (SDP) (Papua Niugini Sustenabol Developmen Program Limitet) aste nait i kirapim o lonsim wanpela hap han o subsidiari kampani i kolim PNG Sustainable Energy Limited (SEL) (Papua Niugini Sastenabol Enesi Limitet, long Pot Mosbi.

Dispela kampani bai llukluk long karim ol sevis olsem pawa o wok stretim long ol rot i go long ol provins bilong kantri, moayet ol rurel hap bilong kantri, we planti bilong ol dispela kain sevis i no i go long en.

SEL i mekim ol wok painimaut bilong em pinis na i soim tru olsem em i wanpela kampani we i laik kamapim ol wok na i no

mauswara tasol.

Ol dispela wok painimaut i lukluk long inap long 7-pela provins pinis, namel long ol em ls na Wes Nu Briten, Sentral na Westen provins, long sait bilong pawa, na ol we bilong karim dispela sevis i go long ol.

Kampani i lukluk long ol we, we ol pipel long ples, i ken yusim long longpela taim, na mani mak bilong em i no inap bikpela tumas.

Wanpela tingting we kampani i givim sampela ol ples long ol sampela ol dispela provins pinis em long yusim wel bilong kokonas long laitim lam.

Em bensin ol i ken mekim ol yet we i no bikpela mani na i ken i stap longpela taim - as tingting bilong kampani, sustenabol, o i ken i stap longpela taim - ol i laik


karimaut.

SEL bai i wok bung wantaim bikpela bilong em SDP na SMEC Developments Power Pty Limited (SMEC Developmen Pawa Pty Limitet).

Minista bilong Petroliem na Enesi, Sir Moi Avei, husat i bin stap long dispela bung, i tok em i amamas tru long lukim kirap bilong SEL.

"Mi amamas olsem kampani i no inap lukluk long ol bikpela projek bilong pawa tasol, tasol bai lukluk long ol rurel na komyniti pawa projek long PNG," em i tok.


Sir Moi i tok olsem dispela i sapatim enesi polisi bilong Nesenel Gavman we i tok olsem pawa i mas i go long ol kain institusen long kamapim rurel devel-opmen.



Mak bilong Wok...Smok i kirap long ol hap bilong wok long Porgera Gol Main. Bikpela wok bilong painim gol i save kamap long hap. Foto: FR PHILL GIBBS

Cat 'C' Series Hydraulic Excavators

- 305C, 307C,
- 308C, 311C,
- 312C, 314C,
- 315C, 318C,
- 320C, 322C,
- 325C, 330C



Caterpillar 'C' Series Hydraulic Excavators incorporates innovations for improved performance and versatility.

- **Engines and Hydraulics** - Cat® engines combine with proven hydraulics to give consistently high power and control in the field.
- **Structures** - Rugged Caterpillar® undercarriage design and proven structural manufacturing techniques assure outstanding durability in the toughest applications.
- **Operator Stations** - Operator work stations are quiet with ergonomic control placement and convenient adjustments, low lever and pedal effort, ergonomic seat design and highly efficient ventilation.
- **Serviceability** - Longer service intervals and easier maintenance results in better machine availability and lower owning and operating costs.

Hastings Deering



PORT MORESBY Phone: 300 8300 Fax: 325 0141	LAE Phone: 472 2355 Fax: 472 1477	TABUBIL Phone: 548 9045 Fax: 548 9155	RABAUL Phone: 982 1244 Fax: 982 1129
---	--	--	---

Tok pilai wantaim Kanage olgeta wik!!



Kanage em i mekim wanpela stori olsem bilong wanem na taim ol birua i tromoi Daniel i go daun long Lions pit na ol Lion i no kaikaim em, i gat as bilong dispela stori.

Tingim long taim bilong Samson i gat bikpela gras na wanpela de Samson i wokabaut i go na wanpela traipela mama bilong Lion i lukim Samson na i laik kaikaim tasol Samson i strong tumas na brukim maus bilong Lion.

Orait long dispela de bilong Daniel i gat wanpela lapun Lion i stap laip yet long nau na lukim Samson i kilim brata Lion bilong em na nau em i save pret na putim was long ol lain bilong Samson na i kam nau.

Taim em i lukim Daniel i pundaun i kam, em i save nau olsem em ol lain bilong Samson na em i pret long go klostu long em.

Tasol ol new jeneresen Lion i hangere na olgeta i rash long go kaikaim lapun Daniel.

Nau lapun Lion bilong bipo i lukim olsem na em singaut hariap tru long ol i kambek bifo ol i dai.

"Dispela kain bilong hariap hari-

Ol tru tru poro o wantok bilong gutpela raitman Kanage i laikim tru sapos yupela i ken salim sampela tokpilai bilong yupela i kam na mipela putim long tok pilai kona bilong Kanage. Salim i kam long TOK PILAI KANAGE P.O. Box 1982, Boroko NCD o kam long opis klostu long BSP Waigani na neksdua long Mondo Sekanhan klos stua. Mipela stap long las opis. Sopotim raitman bilong yumi Kanage!!

ap tumas long kaikaim man na Samson i brukim wisket bilong tumbuna bilong yupela.

Hariap tru ol tanim tasol na go sindaun isi.

Olsem na Daniel i seif long dispela taim.

Tok pilai tasol.

Papa bilong Kanage Renbo

Kanage wok harim pasta i stori long hau ol i paintim Jisa na ol soldia i fosim em karim hevli kruse bilong em.

Taim em tok ol i paitim em wansait na em pundaun, Kanage em kaikai tit na tit bilong em i wok long pairap isi isi.

Nau pasta i kam long hap ples ol soldia i paitim na subim em i gi daun long graun, titi bilong Kanage wok long pairap bikpela liklik na Kanage brukim ol pinga bilong em olsem wanpela boksa na sindaun isi tasol.

Long taim pasta i tok olsem ol soldia i sutim wipim em long strongpela wip, Kanage em belhat olgeta na kaikai tit wantaim em kirap long haus lotu na singaut, "Simon, Peter, John na Andrew we?! Ol i no laik stap na helpim Jisas na paitim ol soldia!!

Em kirap na wokabaut i go aut-sait.

Steve Meyu Gordens

Kanage em spak long Simbu lods. Em i wanpela man i save tok-tok tumas na sampela taim em save hatim bel bilong ol man.

Long dispela de em spak i stap na lukim sampela ol oposisen lain i dring i stap na go tok pilai wantaim ol.

Tok pilai bilong em i no gutpela tumas na ol oposisen lain i kros na laik rausim Kanage tasol em i no bisi. Em hatim bel bilong ol i stap.

Nau olgeta i kirap na trmoi han long Kanage. Kanage em painim ples stret.

Em kirap na holim strong pos bilong Simbu lods na ol oposisen lain i wok long hanlek long na laik rausim em long pos na paitim em gut, tasol Kanage holim strong gut tru long pos.

Nau lain oposisen i givap na lusim Kanage na ol i go.

Kanage kirap na tok, "Em nau, sapos yu laik gavman bilong yumi i sanap strong, yu mas holim pos na sanap strong olsem mi!" Em tok olsem na em airaun na pundaun.

Kanage Boss - Mosbi

Kanage em ben lida long Buka. Em wanpela so-off man stret. Taim ben i save pilai, baga save go kisim maikrofon na singaut singaut i go long manmeri husat i kam long danis, "Yu wana rock?!! Yu wana rock?!! Na taim olgeta i i tok yes,

em bai kirap na tok, "Pik it ap long graun! Ol man save dai long hap toktok bilong Kanage.

Nau wanpela taim musik i hot tru na ol manmeri meri i mekimsave long danis, Kanage em spak nogut tru na long hap ples ben i pilai i stap em rausim khaki siot bilong em na tromoi i go long manmeri i danis (olsem ol hot rock ben long Amerika) na em kisim maikrofon na bikmaus," Rok it!! Rok it!!

Pati i pinis nau na Kanage i painim khaki siot bilong em, em kirap na kisim maikrofon gen singaut long ol manmeri husat i holim siot bilong em na plis ritenim siot bilong em.

Samting tru em khaki siot i kamap olsem rag bilong karanas long ples bilong danis.

Kawas klab

Kanage em man bilong tanim tok. Wanpela taim wanpela evenjelis i kam long Amerika na i autim tok long Hagen siti. Planti tausen manmeri i kam bung long harim evenjelis i autim tok.

Taim evenjelis i autim tok na wokabaut long gren sten i go i kam em mekim eksen wantaim.

Em mekim eksen i go na tromoi han wantaim na han bilong em abrus na givim hatwan long wanpela baket ol i planim flawa long en

na bilasim gren sten.

Em nau taim bilong Kanage long tanim long tok pisin na em tu i mekim wanpela eksen olsem evenjelis i mekim. Em bikmaus na ron i go i kam long gren sten na sut han long wanpela botol wantaim flawa i go pundaun long graun.

Ol manmeri i lukim na skeim dispela eksen na kisim kainkain tingting long hau na gutnius i go wantaim ol baket na botol flawa i pundaun nabaut long fran.

Masta Wai Mosbi

Kanage kalap long pmv bas i go long Boroko. Tasol em i harim wanpela naispela musik tru i kamap long redio na em i no tingting moa long wanem hap em bai go daun. Taim bas i go kamap long Boroko boi nogut i no tingim wanpela samting.

Em stailim long sait na wisel wantaim musik istap. Bas i ron i go na kamap long Ela Bis na boi nogut i lukim solwara na kirap nogut na singaut. Draiva tanim long nambis na stop long Boroko. Olgeta pasindia i dai olgeta na Kanage go daun long taun na kisim bas 4 i go bek long Boroko.

Sai Bodo Koiari

TOK PILAI wantaim KANAGE



SALIM OL TOK PILAI BILONG YU I KAM NA BAI MI PUTIM INSAIT LONG DISPELA PESI

KLOSTU KRISMAS NA KANAGE EM SINDAUN WANTAIM OL BUBU BILONG EM NA STORI LONG JISAS I BIN BON LONG BETLEHEM!!!



LONG DISPELA DE FADAMAN EM BON INSAIT LONG LIKLIK BANIS BILONG OL ANIMOL!

EM STORI LONG TRIPELA WAISMAN BILONG EAST I BIN GOLUKIM JISAS..



TRIPELA WAISMAN LONG EAST I LUKIM STAR NA OL I GO...

TUPELA PINGA TASOL...

KANAGE EM MEKIM EKSEN LONG PINGA, EM TOK 3-PELA TASOL PINGA I EKSEN LONG TUPELA MAN TASOL...



"TASOL BUBU, YU TOK 3-PELA MAN, TASOL PINGA BILONG YU I MEKIM TUPELA MAN TASOL!"

KANAGE EM ASUA PINIS TASOL EM LAIK STRONGIM SAIT BILONG EM..



YUPELA WET! STORI BILONG MI INO PINIS YET!

NAU EM APIM NARAPELA HAN WANTAIM WAN PINGA NA SURUKIM I KAM LONG TUPELA PINGA NA MEKIM OLSEM 3-PINGA NA PINISIM STORI BILONG EM..



"EM NAU, NARAPELA WAISMAN I KAM NA JDIN WANTAIM TUPELA NA OL I GO LUKIM JISAS!"

KONSTRET!



• Wanderers 7s pilai long wiken. Kavieng vs Daru



• Pot Mosbi Steam Ships kompetisen.



• Nesenel Kapitol Distrik netbol kompetisen.



• Douglas Guise i kisim Wanderers kap long menesing dairekta bilong MRDC Francis Kaupa. Kavieng i winim Lae Unitech 24-14.



• Pot Mosbi Skul boi ragbi lig kompetisen. Ol bai pilai laspela pilai bilong ol long dispela wiken.



• Ol meri Sunam i redim ol yet long Arafura Gems. Bai ol i mekim gut o nogat.



• Pot Mosbi sofbol eksen. AB Bears i laik traim bun bilong ol Wantok.

Okkaihens ov-sisen ragbi lig

Dispela toksave i go long ol tim husat nem bilong ol i stap danbilo long kamap hariap long Sande na rejisterim nem bilong ol long pilai.
Dispela i min olsem ol eksekutiv, menesa na ol kosa bilong ol tim tu i mas kamap hariap.
Ol eksekutiv long dispela taim i mas kamap wantaim ol aplikesen fom bilong rejistresen.
Tim rejistresen bai stat long 8.00am we bihain tasol long dispela ol pilai bai stat.
Na olgeta kosa na menesa i mas lukim olsem olgeta pilai bilong ol i kamap long taim ol i makim bipo long pilai i stat.

Dro em Sande 14 Novemba, 2004

08.00am Club Registration
09.00 - 9:40 Negifi Bears Vs GH Eagles
09.45 - 10.25 JV Bulidogs Vs Yamaso Raiders
10:30 - 11.10am TK Maroons Vs Bena Panthers
11:20 - 12.00 Kanage Spiders Vs Hohola Magpies
12.10 - 12:40 Kesosa Vs Unagi Falcons
12:45 - 13:20pm 6 mile Tigers vs Morata Hawks

Pot Mosbi Kriket dro

Sarere 13 Novemba 2004
Venue R3 A GRADE (50 overs) Time
Mat/Stumps Umpires
Amini Chubb United vs Dogura
10:00am C/United (Assn) Peter Moide/Clive Elly
Colts BNG Poreporena vs Mariners
10:00am Mariners (Assn) David John/Raka Ipi
R5 B GRADE (40 overs)STCMobil
SteamshipsvsPari 12:30 M/STC Hale Ginate
MB OS Hoods vs PB Chueng 12:30 Hoods Walo Charlie
Nomads Raukele vs Aussie HiCom 12:30
Raukele Kila Iga
HMS2 Curries vs KCC 12:30 Curries Sinaka
Kila Under 19 (30 overs)
R5 Mobil Steamships vs KCC 8:10 M/STC
STC Hale Ginate
R4 Under 17 (25 overs) (Stumps Only - Mat
Optional)
Nomads Mobil Steamshipsvs Mariners 8:10
Mariners Kila Iga
MB Kempa vs Pari 8:10 Kempa I m r a n
Alu
Rules Chubb United vs BPoreporena
2:00 United Herea Pegi
R4 Under 15 (20 overs) (Stumps Only - Mat
Optional)
Rules Chubb United vsCoasters 11:00

C/United Herea Pegi
Rules Dogura vs Mariners 8:00 Dogura Herea Pegi
KCC KCC vs Raukele 8:00 KCC Arutu
Goasa
KCC BNG Poreporena vs Pari 11:00 KCC
Arutu Goasa
R4 Women's (25 overs) (Stumps Only - Mat
Optional)
KCC KCC vs BNG Poreporena 2:00 KCC
Arutu Goasa
Sande 14 Novemba 2004
Venue R3 A GRADE (50 overs) Time
Mat/Stumps Umpires
Amini Mobil Steamships Vs Coasters
10:00am M/STC (Assn) Lakani
Oala/Madaha Doriga
Colts Raukele vs OS Hoods 10:00am
Raukele (Assn) Hale
Ginate/Vele Kula
R5 B GRADE (40 overs)
STC Coasters vs Mariners 12:30
Mariners Ralavu Rai
Nomads BNG Poreporena vs Dogura 12:30 B N G
PCC Kila Nouairi
HMS2 Chubb United vs Kempa 12:30
Kempa Kila Iga
R5 Under 19 (30 overs)
HMS2 Chubb United vs Kempa 8:10
Kempa Kila Iga
STC BNG Poreporena vs Mariners 8:10
Mariners Ralavu Rai
MB Raukele vs Dogura 12:30 Dogura Raka Ipi
R4 Under 17 (25 overs) (Stumps Only - Mat
Optional)
Rules Raukele vs KCC 8:10 KCC W a l o
Charlie
R4 Women's (25 overs) (Stumps Only - Mat
Optional)
MB Mariners vs Dogura 8:10 Dogura Raka Ipi
Rules Chubb United vs Coasters 12:30
Coasters Walo Charlie
BYE: Under 15 Hoods
Notes: 1) Umpires: Club captains to make alternate arrangements if the appointed Umpire is not in attendance
2) Umpires to declare the winner, must print their names in the scorebook as well as sign the book.
3) Both Scorebooks to be completed with names of batsmen, bowlers, catches, wicket-keepers, DNBs and the winner declared. Penalty: one point.
4) A further penalty of two (2) competition points for failure to hand in your scorebook to Tony Elly's residence at Hohola by 7pm after the match
5) Balls: 'A' Grade "Googly" (K50), Lower grades "Gem" (K40).6) Registration Fees (K300). Due Friday, 26

November 2004.

Praivet Kampani netbol

"Raun wan (1), Gem tri (3)" "Sande 14 Novemba, 2004 - Rita Flynn Courts"

Primia Divison Kot 2 1.00 FAIRDEAL vs BSP 1
Divison 1 - Kot 3 1:00 CCA vs COURTS
Divison 2 - Kot 4
1.00 AHC vs THEODIST
1.30 DASH8-APNG vs EFM
2.00 HDPNG vs PNG PRINT 1
2.30 OSL vs KINA
Divison 3 - Kot 5
1.00 NATIONAL vs GFI
1.45 POMTRANS vs KOLTA
2.30 QBE vs MOBIL
3.10 CANON DATEC vs BYE
Divison 4 - Kot 6
1.00 C-BROS vs LBC
1.30 WPC ASK ONCE vs ANDERSONS
2.00 IBM DATEC vs PWC
2.30 LAMANA vs BYE
Divison 5 - Kot 7
1.00 BKO MTRS vs MEDDENT 1.45 BDW vs BSP 2
2.30 WPC 2 vs MOORE
3.10 KON MINOLTA vs BBELL 2
Divison 6- Kot 8
1:00 MARSH vs FINCORP
1:45 SPB2 vs PNGSF
2:30 STC Shipping vs Renos
3:10 ABLE bye

Toksave: Ol pilai bai kamap 20 minit long tupela hap.



• Wanwan ol opisel bilong ol nesenel spot federesen i bin kamap long wan-pela spot marasin kos long Shady Rest Hotel long wiken. Foto: POU TOIVITA



• Pot Praivet Kampani Netbol pilai long Rita Flynn Kots, Bisini. Go na givim sapot long tim bilong yu. Foto: POU TOIVITA

Braith Anasta bai no inap pilai yunion

SYDNEY: BRAITH Anasta bai i no inap go insait long NSW Waratahs ragbi yunion tim, Ewen McKenzie, kosa bilong Waratahs i tok.

Ol toktok bilong Anasta long joinim Waratahs "i dai pinis."

Anasta husat i namba wan pilaia bilong Canterbury Bulldogs i bin traim long lusim ragbi lig na pilai yunion tasol i no tok stret sapos em i mas lusim lig. Tasol dispela i no kamap hariap bihain long planti toktok i kamap na olsem ol opisa bilong Waratahs i no laik moa.


"Mipela i go het," McKenzie i tok. "Em i (ol toktok) dai na mipela i planim pinis (long lukluk bilong mipela). Mipela i kamap long em na i bin toktok long dispela we mipela i gat bilip long en na olsem mipela i kisim tok olsem i gat laip."

Tasol bihainim dispela ol toktok mipela i kisim ol narakain toktok we dispela ol toktok i kam inap long Fonde (las Fonde).

Dispela bai lukim Anasta i stap pilai yet wantaim ol Bulldogs.

Sapos Anasta i pilai long yunion dispela bai lukim em i kisim ples long Australia nesenel ragbi yunion tim Wallaby na bai pilai long senta posisen.

Tasol dispela i no inap kamap nau na olsem ol opisa i makim



Biknem Canterbury Bulldogs pilai Braith Anasta husat em planti toktok i kamap long em i laik pilai ragbi yunion.

Shaun Berne long tim ples.

Long ol lukluk bilong ol pilaia olsem Lachie Mackay, husat i soim gutpela pilai taim mipela i pilai wantaim Argentina i ken helpim mipela long kisim ples,"

McKenzie i tok. "So ol samting i senis pinis."

"Yu mas save olsem ol toktok bilong Anasta i stat long Jun na dispela i longpela taim. Nau ol samting i senis."

Polis sasim Michael Phelps, wol sempion swima long spak na draiv

SALISBURY, MARYLAND: SIKS taim Olimpik swimming sempion Michael Phelps em polis i arestim na sasim long spak na draiv long las wiken.

Wanpela trupa i lukim dispela 19-ya man i draiv i go stret long rot maski trefik long rot i tok stop, polis i tok.

Dispela polisman i lukim ol sain bilong Phelps olsem em i spak na olsem em i mas arestim em.

Phelps i kisim tu sas bilong dring ausait long krismas em lo i tok orait long en na long i no harim tok em sain i givim long en. Lo bilong dring bia long stet o provins bilong Maryland em olsem man i mas i gat 21 krismas na i go antap. Aninit long dispela em i tambu. Phelps em i gat 19 krismas tasol.

"Mi laik tok olsem las wik mi mekim rong. Mi laik serim filing bilong mi na long go insait long ka wantaim samting i brukim lo i no stret. Dispela em i no gutpela na i ken bagarapim laip," Phelps i tok long ol niusman.


"Mi 19, tasol mi kisim skul olsem maski long krismas yu gat yu mas lukautim olgeta tingting na pasin bilong yu na dispela bai mi mekim. Mi sori tru olsem dispela pasin i kamap," em i tok.

Phelps bilong Baltimore sabab i winim 8-pela medol long Atens Olimpik Gems we sikspela em ol gol medol.

Phelps husat i putim Baltimore Ravens jesi em ol opisa bilong Ravens i tokaut long ol manmeri bipo long pilai bilong Sande nait i krangi long spak na draiv.

Sapos juri o kot i painimaut olsem Phelps i mekim rong long spak na draiv em i ken go long kalabus wanpela yia wantaim US\$1,000 (K1,700) kot fain na 12 poin long draiving laisens bilong em o sapos dispela i namba wan taim bilong em long mekim rong orait kot i ken sasim em long US\$500 na 60-de kalabus.

Tasol bipo long mekim dispela disisen jas i ken givim oda bilong probesin.



Phelps, sanap na apim han. Dispela wol sempion i nau i gat nem nogut wantaim ol polis.

Kostya Tszyu bai nem bilong Australia boksing

SYDNEY: AUSTRALIA paitman Kostya Tszyu i luk olsem bai kamap wanpela namba wan paitman long wol, ol ripot i tok.

Dispela em bihain long Tszyu i autim tiket bilong Sharmba Mitchell bilong Amerika long wiken na i tok long sutim han wantaim biknem Kenada man Arturo Gatti long narapela pait bilong em.

Moa yet em i winim Mitchell long IBF junia-weltawet pait bihain long em i stap nating 22 mun long bagarap em i gat long bodi bilong em.

Vivian Harris man husat i holim Wol Boksing Amata taitol long dispela taim na smatpela Ingran paitman Ricky haton husat i bin pait wantaim Mitchell bipo bai redi long pait wantaim Tszyu sapos em i bungim tupela.

"Arturo Gatti i gat nem," Tszyu i tok.

"Em kain samting manmeri i laik lukim. Dispela bai bikpela pait. Dispela pait, mi ting, i bilong Madison Skea Gaden na mi save em bai pulap."

Gatti, 32, husat planti ol Amerika lain i save laikim long strong em i gat long en long i no save pret long sutim han we planti ol win bilong em i kamap taim birua bilong em i lus wantaim bruk han na blut.

Long 44 pait em i winim 38 we em i mekim long teknikal nok-aut. Em i lus tasol long sikspela pait.

Tasol Jeff Fenech, bipo biknem Australia paitman na nau boksing treni i tok Tszyu bai kamap wanpela namba wan paitman.

Fenech i tok Tszyu bai autim tiket bilong Batti long namba siks raur: "Em bai go daun wanpela bilong ol namba wan paitman bilong Australia."



Tszyu (namel) wantaim ol sapota bilong em long Sydney Ples Balus bihain long win bilong em agensim man Amerika, Sharmba Mitchell, long Amerika.

United na Arsenal bai bung gen - FA



LONDON: MANCHESTER United bai bungim gen Arsenal long Ingran soka resis bihainim oda bilong Futbol Asosiesen.

Las mun i gat ol toktok i stap long win em United i mekim long Arsenal we United i win 2-0.

FA i rait i long tupela klab wantaim bung wantaim FA siaman Geoff Thompson na primia lig opisel olsem "tupela i no ken bungim kain hevi long ol toktok i kamap long pilai bilong tupela bipo."

Arsenal menesa Arsene Wenger em FA i sas long i no mekim ol gutpela toktok long straika bilong United Ruud van Nistelrooy.

I gat tok olsem Wenger i mekim ol toktok long dispela Dutch pilaia olsem Nistelrooy i save hait na pilai krangi long kamapim win.

Dispela long dispela ol toktok Wenger husat i French man i tok em i no inap haitim ol toktok em i mekim long Nistelrooy.



Ruud van Nistelrooy bilong Holland husat i pilai wantaim Manchester United i redi long kikim bal.

Sydney Kings i tok lukaut long ol narapela NBL klab

SYDNEY: SYDNEY Kings i giving waning long ol narapela Nesenei Basetbol Lig tim olsem ol i mas pilai gut. Sapos nogat ol Kings bai winim ol.

Disela em bihain long ol i pait strong long stopim Cairns 107-91 long pilai bilong tupela long las wiken.

Kos Brian Goojian i amamas bihain long win ol i kisim i wankain long win ol i bin mekim long Nu Silan tim long wik i go pinis.

"Mipela i nogat olgeta saveman bilong pilai basketbol olsem mipela i bin i gat long tupela yia i go pinis tasol maski long dispela mipela i lain long pilai," Goojian i tok.

"Mi gat tim we ol i ken i go inap long ol i win long eit o ten poin."

"Dispela tim i ken go na pilai bilong nau nait (las Sande) i bikpela tes."

Sydney Kings i go pas long leda wantaim 8-2 win.

Mak bilong planti spot i wok long go daun

"Sapos i gat gutpela edministresen, ol pilaia i tren hat na harim tok, ol sapota i no kros pait na gutpela sapot i kam long ol bisnis haus, ol pilaia bilong mipela bai kamap gut."
- Marcus Bai, biknem ragbi lig pilaia i bin tok.

Andrew Molen i raitim

RAGBI lig em Papua Niugini i tok i nambawan pilai bilong ol. I olsem wanwan kantri long wol i gat nesanel spot bilong ol. Long Thailand Muay Thai kikkoksing o Thai boksing i nesanel spot bilong ol, Brazil na planti kantri long Yurop em soka na ragbi yunion em Saut Afrika, Amerika em basketbol na Australia em Aussie Ruls. (AFL).

So PNG em ragbi lig maski planti manmeri long kantri i save pilai soka.

Na tru tumas mipela i ken pulim toktok tasol long ol bung yu yet i ken skelim olsem i nogat narapela spot long PNG i save pulim planti manmeri long kam long lukim.

Yumi mas save tu olsem i gat tupela kain ragbi gem, yunion na lig na planti samting long ol i wankain tasol i no wankain tumas. Kain olsem nem bilong tupela.

Tasol yu noken paul long lig na yunion. Long PNG taim yum i save tok "ragbi" yumi save minim ragbi lig, tasol "ragbi" em i no ragbi lig. Ragbi em narapela o sotpela nem bilong ragbi yunion. Ragbi lig em "Lig" o "Footy" olsem ol lain long Australia i save tok.

Nesanel Ragbi Lig (NRL) long Australia i wokim dispela gem i kamap bikpela long kantri. Planti ol liklik manki na ol man i save long olgeta pilaia bilong ol tim na posisen bilong ol wantaim.

Tasol i luk olsem swit bilong lig i wok long go daun na ragbi yunion i go antap. Dispela em hevi bilong ol edministreta long stretim tasol taim mi tok olsem planti dai hat sapota bilong lig bai tok dispela i no tru.

"Mi no ting swit bilong gem i go daun tasol ol man i no pilai wantaim olgeta bel na tingling bilong ol olsem ol i save pilai bipo.

"Sapos i gat ol gutpela samting bilong pilai olsem gutpela fil, ol yunifom, ol gutpela refri, bal na planti promosen bilong ol pilaia na gem yet, mi ting ragbi lig bai i nambawan gem yet." Joe Damara wanpela dai hat sapota bilong lig i tok.

"Hevi i stap long edministresen,



Pilaia bilong Waliya i laik traim stopim Brothers pilaia long Pot Mosbi Ragbi Lig resis.

sapos ol gutpela man i stap na holim gut mani na ronim gut asosiesen em bai ol i nap long lukautim olgeta samting bilong ragbi lig na taim ol pipel i lukim olsem ol samting i ron gut bai ol tu i amamas long pilai na sapotim gem bilong ol," bipo ekting presiden bilong Madang ragbi lig na bisnismen, Godfrey Yombon i tok.

Laik bilong ol pipel, ol sapota na ol pilaia i stap tasol dispela tingting olsem i nogat wanpela gutpela samting long ol i pilai long en i wokim na ol i pilai tasol i no wantaim olgeta tingting na bel bilong ol.

Ol yia long '90's em we lig long PNG i kisim biknem tru taim SP intasiti na Cambridge kap i stap. Ol fil i save pulap olgeta wiken na i gat wanpela ragbi lig megesin bilong PNG tu tasol wanem as ol i stopim dispela ol gutpela kompetisen na samting bilong mekim gem i stap laip yumi no save. Ating mein risen ol bai givim em "Nogat mani." Na olgeta mani i go we?

Sait bilong sponsa em i wanpela bikpela samting long lig olsem long olgeta narapela spot tasol menesmen bilong ol asosiesen tu i mas strong long holim mani bilong asosiesen gut.

"Ol bikman na ol bisnis i save toktok planti long ol trabol ol yut i save wokim tasol ol i save sponsaim ol kain spot olsem golf na fishing we ol bikman tasol i save pilai," Wanpela bisnis man bilong Madang i tok taim em i sponsarim wanpela soka tim bilong Nabasa long Madang dispela yia.

Dispela toktok i tru bilong wanem planti yut i save pilai kain ol spot olsem lig, ragbi, soka, volibol, basketbol na ol narapela olsem na long helpim ol long stap longwe long ol bikhet pasin ol sponsa i mas lukluk long helpim dispela ol spot. Dispela em long gutpela bilong ol sponsa, ol bisnis, komyuniti na tu long gutpela bilong ol pilaia.

Olgeta pipel i tukluk nau long NRL long Australia na ol i lus tingting olsem i gat wankain gem i stap long hia. Tasol olsem wanem yumi bai kirapim bel bilong ol manmeri long sapotim ragbi lig gen na mekim em i namba wan pilai bilong yumi?

"I mas i gat moa promosen long dispela spot long kantri. PNGRFL i mas kamap wantaim sampela ol gutpela we long kirapim bel bilong ol manmeri long sapotim na tu long mekim ol pilaia i pilai strong," Gerald Tommy husat i save pilai long Madang ragbi lig i tok.

"Ol i mas wokbung moa wantaim ol ovasis kantri olsem Australia na Inglian na traim luksave long sampela samting ol i save wokim long winim ol sapota na ol sponsa bilong spot."


Wanpela gutpela samting we i bin mekim lig i popula em dispela PNG ragbi lig megesin na olgeta taim ol i salim, em i save pinis long ol stoa. Em bai i gutpela sapos dispela i kam bek gen. Na narapela em Cambridge na SP Inta-siti kap we SP kap i nesanel kompetisen olsem NRL.

Kain kompetisen olsem i mekim gem i strong na bai i gat planti gutpela pilaia PNGRFL i ken kisim long makim kantri.

Ol ov-sisen lig 7's na 9's olsem ragbi yunion i wokim wantaim Wanderers

Ragbi 7's na Pot Mosbi ragbi 7's bai inap long helpim tu. Wanpela we ol i stat pinis long helpim na kirapim bek lig em skul bois ragbi lig na dispela i mas kamap long olgeta hap bilong kantri.

"Dispela ol manki bai i kamap ol pilaia bilong PNG bihain taim," siaman bilong skul bois ragbi lig, Iffysoe Segeyaro i tok taim em i kirapim bek dispela junia kompetisen. Narapela em Sentrel provins lig 9's we i kirap



Iffysoe Segeyaro, man husat i laik kirapim ragbi lig gen.

las yia long luksave long sampela gutpela pilaia husat i stap long ol ples.

Em bai i gutpela tu sapos ol i salim ol samting bilong dispela ol SP kap tim long ol stoa taim SP kap i kam bek olsem jesi, laplap, T-set na ol fleg na stika na maski long ol bilong Australia tasol.

Planti moa bisnis na gavman tu i mas helpim SP Brewery husat i sapotim gut tru ragbi lig long givim han na kirapim bek nesanel spot bilong yumi bai taim ol pilaia i putim jesi bilong Kumuls bai ol i ken pilim amamas tru olsem ol i pilai makim kantri bilong ol. Dispela kain tingting bai inap strongim yumi long sapot na pilai strong na wanpela gutpela de mi save i no stap long we tumas bai yum i winim Australian Kangaroos long hia o long kantri bilong ol yet.

Sapotim spots na mekim ragbi lig i kamap namba wan gem long olgeta o long Tok Inglis: "The Greatest Game of All."



Netbol tu i wanpela pilai we ol spot opisal i mas promotim long lukim moa meri i stap long pilai.

Cross-Roads, Momase, ol sempion

Maisan Pahun i raitim

NESENEL Spot Institut(NSI) pilai graun i bin pulap tru long las Sande taim ol Manki Cross Roads i winim ol Blue Kumuls 3-0 na ol meri Momase i winim Chauka 2-0 long Goroka soka gren fainol.

Cross Roads i bin go insait long dispela gren fainol oisem fes taim bilong ol na ol Blue Kumuls i lukim namba siks taim bilong ol long go pilai long gren fainol.

Long dispela gem tupela brata Timothy Agunam na Joshua Agunam i kamap birua insait long fil.

Joshua i kepten bilong Blue Kumuls na bin pilai long mid-fil posisen. Na Timothy i pilai olsem wanpela fowat na pilai meka bilong Cross Roads.

Tupela tim i bin pilai strong tru taim gem i stat.

Tasol bihain long faiv minits, mid-fila bilong ol Cross Roads Katt Daibs i skoa.

Bihain taim pilai i laik go long hap taim malolo Ignasitus Talania i kisim wanpela 18 yad kik we i go insait long umben long mekim skoa i go antap 2-0.

Taim pilai i kam bek long seken hap tupela tim wantem i pilai strong tru we nogat wanpela skoa i kamamp.

Tasol klostu long gem i laik pinis stret Cross Roads i kisim wanpela penalty kik na Talania i no abrus long putim bal i go bek insait long umben long namba tu taim.

Sinia pilaia na trena bilong Blue Kumuls Robin Pondikou i tok ol pilaia bilong em i no pilai olsem ol save pilai bipo.

"Ol beklain bilong mipela i pilai strong tru tasol ol fowat

tasol i no pinisim gut pilai bilong mipela long skoa," Pondikou i tok.

Em i tokaut moa olsem dispela wanpela asua we i mekim na ol i lus.

Dispela tim bilong ol manki Minogere Polis Bareks i bin pilai long sikspela Goroka primia gren fainol olgeta, we ol i bin winim foapela pinis na lusim tupela.

Long yia 2001 ol i bin winim Hailens soka sempionship long Kerowagi.

Na long ol narapela pilai ol meri Momase i daunim ol Chauka 2-0 long primia mei gren fainol.

Velda Mave na Nilla Gawat i bin skorim tupela gol bilong ol Momase.

Dispela gol bilong Velda i bin kamap taim gol kipa bilong ol Chauka i no bin holim gut bal

na bal i go insait long umben.

Bihain liklik long namba wan hap yet Nilla i kikim wanpela strongpela kona kik bal we igo insait na dispela i mekim skoa i go antap 2-0. Skoa i stap olsem inap pilai i pinis.

Ol meri huast i pilai gut long Momase em Nilla, Velda, Maggi, Glenda na Orita Popat. Dispela ol meri i bin kisim top midfila long dispela pilai.

Ol Chauka i gat gutpela pilaia olsem kepten Lara Vevine, Masela Imoto, Brenda Siove na Lyn Pondikou.

Pondikou i wanpela Goroka pilaia husat i stap insait long PNG unda 23 trening skwat.

Em i bin pilai gut long helpim tim bilong em tasol i nogat gutpela sapot i kam.

Ol dispela pilai i bin ol stail pilai stret we i lukim planti gutpela pilaia soim kala bilong ol.

Wantoks nekim gut Admiralty

Andrew Molen i raitim

SHELL Wantoks i mekimsave long Admiralty taim ol i givim ol 22-1 skoa long fes Pot Mosbi Agred soffbol gem bilong ol meri long Sarere.

Wantok husat ol i winim pri-sisen salens i soim olsem ol i wanpela tim ol narapela tim i mas was long dispela sisen.

Admiralty i bet pas long fes ining tasol ol i bin skoaim wanpela ran.

Wankain samting i kamap long ol narapela inings na long namba foa ining bilong pilai aufilda Winnie Aih i tasol i skorim wanpela ran bilong Admiralty.

Admiralty i traim long kisim sampela moa ran tasol ol pilaia bilong Wantok i pasim gut fil na pitsa bilong ol, Lisa Polum tu i no givim sans wantaim bal na dispela i givim hat taim long ol beta bilong Admiralty.

Bihain long fes tupela innings bilong pilai Wantok i ronowe wantaim 15-0 skoa.

Dispela i lukim Jennifer Katape, Potum, Sakut Gire na Anna Trawen, Adie Tamti, Veronica Bagasel, Winnie Parom na Androlla Moe i skorim ol ran insait long dispela tupela ining tasol namba tri ining i lukim wanpela poin bilong Admiralty i kam long Aih husat i ronowe long ol filda taim ol i no was gut long bal.

Pitsa bilong Admiralty Dorcas Pinner na Ruth Pokou i pilai strong long traim na helpim tim bilong ol tasol dispela i no i nap long strong bilong ol Wantok.

Wantok i pinisim gem long namba foa ining taim ol i kisim narapela 7 ran gen long Tamti, Bagasel, Trawen, Rosa Wanamai, Katape na Lisa Polou.

"Tingting bilong sampela is tap yet long holide na sampela i no save kamap long trening," kosa bilong Admiralty, Francis Dakeni i tok.

Kavieng winim 2004 7's taitol

Andrew Molen i raitim

KAVIENG i wokim olgeta manmeri i kirap nogut taim ol i winim dispela Wanderers ragbi 7's tonamen wantaim K20 000 prais mani na MRDC kap.

Kavieng i pilai strong long winim wanpela strongpela sait bilong Unitech Wanderers 24-15 long Lloyd Robson Ovol las Sande.

"Mi amamas tru long ol manki bi long mi.

"Olgeta hatwok bilong mipela i no go nating na dispela win i gutpela tru long mipela," faiv-eit na kepten bilong Kavieng, Douglas Guise i tok.

Em i tok ol pilaia bilong em stap bek bihain long supa foa tonamen na tren i nap wan mun long dispela tonamen.

"Nau olgeta hat wok na pen i pinis na ol boi i ken go bek long ples," Guise i tok.

Wanpela pilai Guise i amamas long pilai bilong em, em Ralph Pombie husat i pilai strong tru.

Kavieng i winim olgeta gem bilong ol na ol i stap fes long pul bilong ol na tu long resis bilong kap fainol we ol i stap pas long Pot Mosbi Defence, Lae Unitech, Pot Mosbi University, Goroka Silverbacks, Daru Cranes na Kimbe.

Ol manki New Ireland i bilip



Kavieng 7's tim wantaim husat i win i amamas wantaim ol sapota. Foto: JOE IVAHARIA

long ol yet olsem ol bai i nap long apim kap i go antap na pilai strong tru we i lukim ol i no lusim wanpela gem bilong ol liklik.

Menesing Dairekta bilong POSF, Leon Buskens, husat i lukautim ol Kavieng pilaia wantaim Wantok bilong em Willie Boas long trening bilong

ol long Pot Mosbi i tok ol boi bai i go bek long ples wantaim dispela mani na helpim long developim na promotim dispela gem long hap.

"I gat planti gutpela pilai i stap long ples olsem na mi laik lukim moa sapot i mas i go long spots long ol rurel eria," Busken i tok.

Long wankain taim menesing dairekta bilong MRDC Francis Kaupa i tok ol bai lukluk long putim wankain prais mani narapela yia sapos ol samting i on gut.

Kaupa i tok amamas long Kavieng tim na tu long oipela skul tim bilong em Unitech long pilai kamap gut.

Kainantu i redi long Ipatas Kap

RAGBI lig insait long Kainantu, Isten Hailans provins, i soim pinis olsem em i ken kampim ol kain intanesenel Kumul pilaia olsem Michael Matmilo, Dekot Koki na Petrus Bangkoma.

Long dispela taim president bilong Kainantu Ragbi Futbol Lig Gedion Sengi i kamapim fainol 28 trening skwat long go pilai insait long bikipela off-sisen Coca

Cola Ipatas Lig Salens.

Kosa bilong Kainantu tim Malum Oiyufa, wanpela biknem pilaia bilong Goroka Lahanies. Malum bipo i save pilai hap-bek na bin stap sedo pilaia bilong Kumul taim Adrian Lam bin hap-bek blong PNG Kumuls long 1990s. Oiyufa nau i stap kosa bilong F&M Tarangau long Kainantu Lig.

Dispela 28-man trening skwat em Jerry Wei, John Arumba, Danny Oiyufa, Philip Bao, Sam Oiyufa (Tarangau), Benjamin Koi, ben Gia, Sailon Mobsy, Beksy Yuavi, John Paul (Royals), John Andy, Maiya Siove, Nate Nip, Andrew Poli, Hane poli (Brothers) Japhet Anao, Robert Smith (Tigers), Joe Kivo, Kago Tiyai, Phantom Manefa, Junias Sambai (Magani) Ken, Namparu (Spiders) na Teven Hamei (Panthers)

Kosa Malum Oiyufa, menesa Yagahe na tupela trena em Philip.

Pot Mosbi Hoki Asosiesen kamapim Arafura skwat

Maisan Pahun i raitim

POT Mosbi Hoki Asosiesen i makim pinis 40 man trening skwat long makim Nesenel Kapitel Distrik (NCD) long 2005 Arafura Gems long Darwin, Australia.

Long dispela 40 pilaia bai ol i katim daun namba i kam long 18 pilaia.

Long dispela pilai PNG bai kisim tupela hoki tim i go. Wanpela tim em bilong ol pilaia bilong Nesenel Kapitel Distrik Hoki Asosiesen (NCDHA) na dispela tim bai i makim kantri.

Pot Mosbi Hoki Asosiesen (POMHA) bai makim NCD olsem wanpela provins long dispela Arafura Gems.

Olsem na long dispela taim yet Pot Mosbi Hoki Asosiesen tren-on skwat i wok long pilai indo hoki i stap long painim aut strong bilong ol pilaia na developim save bilong ol.

Long Sande ol Arafura man trening skwat i bruk na wokim tupela tim na salens. Long dispela pilai tim wan Marlon Chitah na tim tu Pro Valuers i dro 3-3.

Long fes hap ol Marlon Chitah i pilai strong tru, tupela pilaia husat i bin go pas long ol manki na pilai gut em

Jachim Potuan na Raymond Popat. Ol i skoaim tripela gol bilong ol long fes hap.

Borok Naron husat i bin was gut long gol-maut eria i no larim ol Pro Valuers kam klostu long skoa na tu em i bin sevim planti gol long dispela gem.

Bihain long seken hap ol Pro Valuers i kam bek strong tru wantaim Sapau Tapo, Johny Nghan, Andy Potuan na Jackson Powesau.

Ronny Keketsun husat i was long gol maut i pasim gut tru gol eria bilong ol na dispela i lukim ol i bekim bek tripela gol.


Jackson i skorim tupela gol na Andy i skorim wanpela we i lukim tupela tim i dro inap pilai i pinis.

Nau yet POM Hoki Asosiesen i mekim ol trening bilong ol long Mande, Tunde, Fraide na Sarere long Sir John Guise stadium.


Ol pilaia husat bai i go long Arafura Gems i mas redi long baim olgeta fi bilong ol. Sapos nogat bai ol i rausim ol long tim.

Nau yet sampela tim i baim olgeta fi pinis.

Plantu nupela yangpela pilaia i wok long kamap nau na soim kala bilong ol long ol resis.



WANTOK Spots



PNG Swimming Inc bai holim bikpela swim

Paul Zuvani i raitim

PAPUA Niugini Swimming Inc bai holim Marsh Nesene Long Kos Sempionsip long Pot Mosbi Disemba 3 inap 5. Dispela em bikpela iven long 2004 spot kalenda bilong em, presiden bilong PNGSI Elizabeth i tok. Wantaim dispela kos em i tok bai i gat narapela ol iven i kamap long dispela mun na ol mun i kam bihain.

Narapela ol iven em FINA Teknikol opisel woksop, kamap long 2005 Australia Olimpik Yut festival long Sydney, Australia na redim tim bilong em long 2005 Arafura Gems long Darwin, Australia.

Long nesene long kos sempionsip em bai traime long kamap wantaim 2004-2005 Developmen skwat, 2004-2005 Taget memba skwat na 2005 Arafura tim.

Dispela sempionsip bai kamap aninit long ol lo bilong FINA (wol swimming bodi).

Long holim kain sempionsip ol swim i mas kamap long wantaim 45 pul opisel, 20 bilong i mas stap olsem taim-kipa, sif taim-kipa, tupela refri, siksipela jas, wanpela stata, tupela jas, tupela anaunsa, tripela rekoda, foapela juri opisel, wanpela mit dairekt na wanpela klab tim opisel.

Na ol swima bai kam long olgeta hap bilong kantri we ol pilai bai kamap long Sir Donald Cleland Pul long Taurama Lesa Senta.

Ol swim bai kamap long 50m, 100m, 200m batafai, bekstrok, brestrok, fristail na 200m individual medli, 400m, 800m na 1500m fristail. Ol riei bai kamap namel long ol klab.

Wells i hop olsem planti ol gutpela samting bai kamap long dispela taim long kirapim tingting bilong ol manmeri long kisim swimming olsem spot bilong ol. Na planti ol gutpela em ol pilai bai kamapim.

"Wantaim dispela tingting mipela i hop tu olsem taim ol manki i swim ol bai long wankain taim kamapim ol pilai long trupela spirit bilong pilai, lainim gutpela samting na kamap gutpela manmeri long komyuniti.

"Dispela kos em i laspela na bikpela iven long kalenda bilong mipela.

Long regista ol klab na swima mas salim nem na toksave bilong ol long PNGSI regista Allen Mulas bipo long Novemba 26.

PNGSI i givim bikpela tok tenkyu long Marsh Limited na Coca Cola long sponsorim dispela iven.

Na long FINA teknikol woksop dispela bai kamap long aninit long namba wan swimming refri bilong Australia Don Blew. Woksop bai kamap long Disemba 2-7.

Wells i tok long kamap long dispela kos Blew i kam wantaim em bikpela save long kamapim na ronim ol bikpela iven. Em i refri bilong long Australia na tu long ol pilai long Komenwel na Olimpik Gems.

Long kamap long Januari 2005 Australia Olimpik Yut



• Pilaia bilong Kavieng i kalap long kisim bal long grenfainel bilong Wanderers 7s Ragbi Yunion. Kavieng i winim Lae Yunitex 24 - 14 long winim kap na K20,000 praismani. Foto: JOE IVAHARIA

Festival PNG bai kamap wantaim narapela tupela Saut Anna-Lisa Mopio Jane (18), Krystle Babao (17) na Nicole Pasifik kantri. Tupela kantri em Fiji na Guam. PNG bai salim Ellsworth (14).

